

爾雅注疏參議

爾雅恭義序

丹陽姜子以名孝廉甫授令卽息肩山中鍵戶窮經所傳註經義凡十餘種皆研窮義理剖析毫芒而以間參爾雅義爾雅於羣經緒餘耳然姜子參之者以其先聖遺書而真贗錯見也且以首篇釋詁疏信之矣然考篇中如終風詩刺衛莊之謔浪笑傲閟宮詩頌魯僖之黃髮兒齒卽此篇亦非皆周公作矣凡姜子恭正不少假類如此而復以質於余余顧而嘆曰有是哉姜子之嗜學篤而用心虛也夫以是篇爲非皆周公作信也然姜子猶不自爲信余復何以與子商之乎爾雅疏邢氏爲之而謂首篇爲周公作不自邢氏始之也考魏博士張揖進廣雅表云

周公相成王六年制禮以導天下著爾雅一篇以釋其義傳於後學歷載五百墳典散落唯爾雅恒存顏氏家訓云爾雅周公所作其釋後世詩篇後人所屬非本文也則是爾雅者周公之書也陸德明經典釋文有云釋詁一篇周公所作德明號隋唐間名儒亦以釋詁爲周公所作故知不自邢氏始也然謂其非皆周公作者亦非率自今始西京雜記有云郭偉好讀書以謂爾雅周公所制而爾雅有張仲孝友張仲宣王時人非周公之制明矣劉子駿嘗問楊子雲亦荅云聖門游夏之儕所記以解釋六藝也劉向嘗称外戚傳載史佚教其子以爾雅又記言孔子教魯哀公學爾雅爾雅之出遠矣舊傳學者皆云周公所記

詩張仲孝友之類後人所足耳。當漢之時去古未遠也。或以爲周公作。或以爲非周公作。其無定說也。久矣張揖亦云。今所傳三篇爾雅。或言仲尼所增。或言子夏所益。或言叔孫通所補。或言郇都梁文所考。皆解家所說。詁師口傳既無正論。故疑不能明也。由前諸說觀之。大抵是書也。始以周公繼以孔子。增以子夏。益以叔孫通梁文之徒。而必欲指何者爲何人所著。則不敢以臆斷也。至於姜子所舉終風之詩。亦不自姜子始。明焦弱侯氏嘗謂疏言釋詁爲周公所作。他姑弗論。若謔浪笑儼變風詩。烏得周公釋乎。今姜子所稱合符焦氏。而又以推例其餘士君子之好學深思者。其所見大抵然耳。夫今之學者去古愈遠。古

之人且多以無所正論而未決其疑又况生於古人千餘年之
後者乎然疑有難明則存之如子告弟子以闕疑及曲禮疑事
直而不有之屬是也疑有當明則考之如語稱君子疑思問及
陶靖節疑義相與析之屬是也姜子雖欲然不自以爲足而余
謂其心之虛與其學之篤俱使後之學者千載如見矣是爲序
皆

雍正三年季春下澣侍生西林鄂爾泰題於書院之春風亭

爾雅序論三則

魏張揖曰：爾雅爲書文約而義博，若其包羅天地，綱紀人事，權揆制度，發百家之訓詁，未能悉備也。晉郭景純曰：爾雅者，所以通訓詁之指歸，辨同實而殊號者也。六藝之鈴鍵，九流之津涉，可以博物不惑者，莫近于爾雅。爾雅蓋興于中古，隆于漢代，豹鼠既辨，其業亦顯矣。儒藻客靡不欽玩。

明葉自本茂叔曰：唐彙士法進士試雜劇，明經加雜文，錯舉爾雅，俾各條對，誠不欲以迂疎之學，誤國用也。爾雅興于中古，相傳作自周公，今以文攷之，如瑟兮爛兮，美衛武也，猗嗟名分，刺魯莊也。先後失倫，周公安所據而云然乎？

愚按郭景純專論贊其義，而葉茂叔兼考正其文二則，皆爲爾雅序也。張揖一則爲廣雅序，故其文先論爾雅而因及進廣雅之意與。張葉二序，其考辨爾雅之真贗詳矣。今已錄見序文，故不具也。

爾雅註疏恭義附論三則

爾雅贊小爾雅廣雅逸雅埤雅，後人謂之五雅。今考小爾雅漢孔鮒作文頤潔徑廣雅魏張揖作其文純雜恭義逸雅漢劉熙所

聖朝字典佩文韻府之屬皆文字之源流也今考白虎風俗通體近
逸雅埤雅而視埤雅抑又降焉蓋支曲多而發明鮮矣說文卽
六書而發其義非荊公字說比此之謂適其所從生而篇海字
彙之屬考字以明義今集成以 字典四聲韻府考韻以敷文
亦集成以 佩文此之謂推而至于其所終極也

五雅除削逸雅不錄外撮將爾雅小爾雅廣雅三書依類相次
理其煩亂正其晦駁以合爲一書而別以埤雅討附其後顧年
邁齒衰力未足支若奉
聖明廢裁詔館閣諸臣如字典佩文之例集爲成編庶周文公之遺
業于今爲烈云

姜光錫上均氏題于鵝溪之夾齋

爾雅註疏參義目錄

卷一 釋詁

以下凡十九篇多不題章
其題章者特標識如左

卷二 釋言

釋訓

卷三 釋親

釋官

錯見道路
提采之屬

釋器

錯見衣冠飲食
金玉羽毛之屬

釋樂

卷四 釋天

題章凡十有三內錯見祭名
講武旌旗三章義詳本篇

釋地

題章凡九內附言地之所生者九府五
方二章而四極章末言所生者亦附焉

釋丘題章凡二內附
見厓岸一章

釋山

釋水題章凡四內水泉章附見凡水并錯
見近水之地與凡徒涉舟涉之屬

卷五

釋草

附見蔬菜
苗穀竹蕩

釋木

卷六

釋蟲

釋魚

附見蟲蛇
蜎蜎之屬

釋鳥

釋獸

題章凡四內寫屬鷙屬須屬皆錯見
不倫而豕子一條蓋又釋畜錯箇而也

釋畜

題章凡六內馬屬牛屬
二章錯見野馬野牛

右爾雅六卷十有九篇。卷第如註疏。今按十有九篇之文有題章。有不題章。而其間或義近而附見。章內或義遠而錯見。篇中。蓋舛誤不倫。而其非完書。固灼如也。又按爾雅周文公所釋。凡一篇。而其後遞有先師孔子。及子夏。叔孫通。梁文之屬。增而附之。今其書既非原書。則亦以所釋之文。先考其爲書時。世之先後。次辨其所載。名物制度之古近。終味其書文筆。之質文雅俗。而自有可見于心目之間者。今亦皆不必深辨矣。獨念爾雅爲實本訓詁耳。然而先聖作之者。自昔而言。實爲繼天立極翼經明道之書。而自後而言。但爲鑿智角才。好異驚奇之書也。遡自上古。結繩爲政。無所爲文字也。其後有圖象。而後有書契。有書契。而後有典籍矣。然猶無所爲訓詁也。夫日星之屬。之成象于上。川嶽之屬。之成形于下。仁義之屬。之成性于中。厥類益繁。顧六書不作。則類虛衆義。不釋則類舛。古者六書。謂之方名。名立而字生。字生而義附。義附而解。著字之言滋也。因名而滋釋之言解也。因義以解。然則字非道安從生。解非道安自著耶。故爾雅之書。凡三變。自爾雅言之。周公書止一篇。而遞增者。凡四嬗。此一變也。爾雅而外。其後又以小爾雅廣雅佐之。此又一變。又其後更以逸雅。埤雅。附之。此更其一變。與綜而計之。爾雅及小爾雅。質雅。因文以釋義。而逸雅。埤雅。因義而釋。其所以爲義釋者。質

而固而樸其所以爲義者文而支故曰爾之爲言近也雅之爲言正也所謂言近而指遠不下帶而道存者也然則學者毋薄其近而務率其正則諸書之得失皆釐然可考而古聖

昭代尊經崇道之化有互發而交相贊者與

翼經衛道之意庶與

雍正十一年孟秋素清學者姜兆錫謹題于桐廬別業

爾雅卷之一

邢昺曰：爾近也。雅正也。

姜兆錫註疏參義

釋詁第一

疏曰：釋解也。詁古也。古今異言，解之使人知也。釋

之異言也。此篇相傳以爲周公作。但其文或有在周公之後。有先儒多疑之。或曰仲尼子夏所增足也。或曰當周公時有其文。今無者。或已散亡也。然則詁所引書詩之文。非皆周公所釋。若言胡不承權與繙衣之席分。此秦康鄭武之詩。在周公之後明矣。蓋郭氏援據以成其義也。其諸篇所次。先作者居前。增益者居後。作非一時。故題次無定例云。愚按爾雅非先聖之原書。而疏於此篇。獨信爲周公作。故言註所引周公以後之文。乃郭氏援據成義。初非周公當日之所釋。而其所釋者。今或存也。今考篇中如權與字席字謂周公時或別有其文。猶可。若終風詩刺衛莊之諧浪笑教閭宮詩頌魯僖之黃髮兒齒。皆成句全文似難。謂周公時亦恰有是成文。則此篇亦有非周公作者雜之與。餘詳各篇各條。

初哉首基肇祖元胎倣落權與始也。倣昌叔反。此釋初哉以下。誥云：哉生魄。倣詩既醉云：令終有倣落。詩訪落云：訪予落止。權與秦風云：胡不承權與。疏曰：初說文從衣。從刀。衣服之始哉。說文古

作才草木之始也。以聲近借爲哉。首者身之始。基者屋之始。肇者開也。祖者人之始。元者善之長。長卽始。義眡者形之始也。倣者動作之始。落者墮墜之始。權與象天圓而地方。天地之始也。愚按始字從女從台。與胎字義畧同。而其字尤古今四方通行之義。故以釋初哉。以下諸異號同實之字。其諸字註有證。

有不證者。則以義有易明不易明也。後皆放此。

林烝天帝后辟公侯君也。辟音嬖。此釋林烝以下皆君之義也。

註曰

詩賓之初筵云。有壬有

林文王有聲云。文王烝哉。疏曰。白虎通云。君羣也。羣下所歸心也。平林叢木曰林。左傳云。天生烝民。樹之以君而司牧之。則人物之衆必立君爲司牧。故以林烝爲君也。說卦云。乾爲天爲君。白虎通云。德合天地者稱帝皇。美也。大也。號之爲皇。煌煌人莫違也。王者往也。天下所歸往。后從人。從一從口。象人之形。發號以告四方。辟之言法。下所法則也。天帝皇王諸天子。公侯謂諸侯。餘皆通稱也。

弘廓宏溥介純夏撫厖墳嘏不奕洪誕駿假京碩濯許宇穹壬路

淫甫景廢壯冢簡剉昄晊將業蘚大也。昄音呼。厖云江反。誕音但。

許音吁。剉音道。又音卓。昄

蒲板反。晊之日反。此釋弘廓以下皆大之義也。註曰。詩烈祖云。我受命溥將。巧言云。亂如此撫長發云。爲不國駿厖。文王有聲云。

王功伊灌四月云廢爲殘城卷阿云爾土字昄章緇衣云緇衣之蕭兮疏曰詩韓奕云奕奕梁山執競云降福簡簡韓詩云剴彼甫

田方言云凡物之大者東齊海岱之間謂之介秦晉謂之夏又謂之壯青幽間謂之墳秦晉魯宋陳衛謂之畿燕北齊楚之郊或曰京齊宋曰碩荆吳揚甌之間曰灌中齊西楚之間曰計冢舍人謂封之大者班郭氏讀爲至亦大也愚按詩旄丘云何誕之節分離

篇云假哉皇考皆大也舊引誕彌厥月湯孫秦格者非廢爲大者蓋敗肆猖披之象有大之意與凡言業者乃修廣之意也

撫麗有也此釋二字又爲有之義也註曰詩闕宮云遂撫大東疏曰左傳云民生敦龐言生聚豐厚大有也今詩撫作荒

齊魯韓詩

或異文

迄臻極到赴來弔艘格戾懷摧詹至也

弔音的艘音宗或讀爲屈摧昨雷反。此釋迄臻以

下皆至之義也註曰齊楚之會都曰懷宋曰屈疏曰詩天保云神之弔矣般讀爲屈屈格戾懷摧詹皆方俗語邵唐冀堯之間曰狃或曰格齊楚之會郊或曰懷摧詹戾楚語也般宋語也愚接以方言推之舊引詩先祖子龍六日不蒼爲至義者恐非詩傳摧滅也

詹與

瞻同

如適之嫁徂逝往也。

此釋如適以下皆往之義也。註曰：自家出謂之嫁，猶女出爲嫁。疏曰：適宋魯語，徂音語嫁。

秦晉語往

賚貢錫畀予貺賜也。

畀音私。予上聲。此釋賚貢以下皆賜之義也。賚，賜上與下之詞。貢下與上之詞。餘上下通。

儀若祥淑鮮省滅嘉令類紂穀攻穀介徵善也。

鮮上聲省悉并反。此釋儀

若以下皆善之義也。註曰：左傳云：不逢不若。詩既醉云：永錫爾類。車攻云：我車旣攻。思齊云：太姒嗣徽音疏曰：儀者象之善，祥者福之善，淑者德之善，穀者養之善也。若惠順也，鮮清潔也，嘉柔也，介大皆善之意。恩按：省紂穀註未詳。今考紂之言繕修整之義，穀爲圓滿之義，猶攻爲精專之義也。省亦爲察治之義，故皆得爲善與。

舒業順敍也。舒業順敍緒也。此釋舒業順皆爲敍而轉爲緒之義。敍急遽則無敍業，猶虞業之業亦有大敍之貌而絲緒亦以次而出故又釋爲緒也。

怡悅悅欣衍喜愉豫愷康婉般樂也

欣忻同。婉耽同。亦作湛。般音
盤。樂音洛。

皆樂之義也。疏曰。衍者說文云不言而悅也。悅者樂之久也。

般遊樂也。愚按喜豫康形於外。餘皆存於中。妙般則過矣。

悅懌愉釋賓協服也

此又釋悅懌以下皆服之義也。註曰。皆謂喜

而厭從疏曰。釋者解怨而厭。賓者懷德而服

而厭也。

協者合志

適遵率循由從自也。適遵率循也

適聿同心。此釋適遵以下皆自之義也。註曰。自猶從也。疏曰。詩

大雅緜云。聿來胥宇。適聿音義同。愚按適聿爲遵循率從之義。如詩聿修厥德及書祇遁乃文考是也。至詩之適駿有聲。適求厥寧。

及聿來胥宇之屬。皆發語詞。此等若解爲遵從之義。恐并詩文亦

難通。引証蓋未的也。節末五字舊註適遵率。又爲循行今玩五字

重出當爲衍文

靖惟漠圖詢度咨諏究如慮謨猷肇基訪謀也

漠莫同度音鐸。諏子夏反。此釋靖

惟以下皆謀之義也。註曰。闕諏云。詢諏八虞。咨諏二聲。度於周天

謀於南宮。諏於蔡。原勦於辟。史通謂謀議也。諏曰。漠者舍人謂心

誅也詩小弁云聖火莫之馨者君子作事謀始也愚按詩傳莫之言定猶靖也靖漠爲謀所謂安而能慮與聲基二字連文讀知義未詳或云如猶言如何謀之狀也

典彝法則刑範矩庸恒律彙職秩常也刑型同。此釋典彝以下圭也彝庸恒乃常之正義典法則刑範矩律彙秩皆爲常者有法度則有常也彙爲常者有職玉則亦有常也

柯憲刑範矩律矩則法也。矩音壁。此又釋柯憲以下皆法之義也。註曰商風詩云伐柯伐柯其則不遠率辟戾寧也。辟音闢舉古罪字。此釋率以下皆罪之義也。註曰古文罪從自從辛秦以臯似皇改臯爲罪取非人殺於罔也。古文

取自爲率

黃髮齦齒鰥背者老壽也。齦詩作兒鰥音台壽音狗。此釋黃髮細也疏曰黃髮舍人謂髮白復黃也。詩閼官云黃髮兒齒鰥背謂老人皮膚消瘠背若鰥魚文也。大雅行葦云黃壽台背

允孚亶展謹誠亮詢信也。展謹允慎亶誠也。詢方言作恂。詩作詢。忱同。此釋允孚

以下皆信之義而展諱以下又皆誠之義也疏曰
大雅蕩篇云其命匪諱鄭風溱洧云洵訏且樂

謔浪笑教戲謔也教去聲○此釋謔浪笑教爲戲謔之

義也疏曰謔浪笑教衛詩終風文

粵于爰曰也爰粵于也爰粵于那都繇於也粵曰越同繇音由於爲于之義而又轉釋爲于爲於也註曰詩云對越在天王子出征於乎不顯書云土爰稼穡臯陶曰都疏曰曰于皆語詞於嘆詞也左傳云棄甲則那愚按爰粵于爲嘆詞未詳或曰覆言爰粵爲于以起那都繇爲於之義也繇字書云於也一云美也禹貢云厥草維繇那亦美也詩商頌那篇云

猗與那與故皆爲嘆美之詞

斂郤盍翕仇偶妃匹會合也斂音閼郤胡臙切妃配同○此發斂云會合也郤者和合也盍者聚合也易豫卦朋盍簪是也翕者斂合也愚按仇偶妃匹皆對合之義斂郤盍翕會皆所以合之意也仇讐敵妃知儀匹也妃合會對也妃婉也婉音響○此仇讐以下爲匹爲對爲婉也註曰詩箋楚云樂子之無知柏舟云賓雜我儀國語亦云丹朱馮身以儀之縗猶儻也廣雅云猶輩也愚按以

楚詩記知爲匹似未安恐或有別証也。考詩傳本言樂莫楚之無知識而已。註蓋以其下二章樂子之無室樂子之無家因率解爲匹以証之與。

玆猶對也。

紹胤嗣續纂綴續武係繼也。

此釋紹胤以下皆繼之義也。註曰：接見釋水疏曰：係者繫屬之也。釋水云：

汎凡楊舟，縛纏維之縛。縛也，纏綴也。想按：武跡也。謂跡相繼

也。綴續纂係皆繼之正義。胤嗣言繼之人，續武言繼之象。

氣謐溢蟄慎貉謐顚頗密寧靜也。

氣音戲。貉，貊同。謐音密。顚音撻。魚毀反。此發氣謐以下皆

靜之義也。註曰：氣顚顚，未聞其義。餘見詩傳疏曰：易繫辭云：龍蛇之蟄。詩皇矣云：貊其德音。周頌云：夙夜基命宥密。愚按：氣顚顚，註未聞其義。考字書：氣，竅貌；顚，莊謐也。顚，閑習容止貌；皆靜意也。謐，溢之義。疏解亦未詳。今考人生則有動作，死而謐，謐所謂蓋棺可定也。溢之言滿。凡流遇坷坎，則入而沸騰平滿，則自寧矣。故並得爲靜。

隕墮涙下降墜。墮，零落也。磾，墮同。墮音舛。零同。此釋隕墮以

下皆落之義也。疏曰：隕者從高墜也。墮石落也。涙沈落也。說文云：草曰隕。

木曰標。對文也。散文則通言零。

詔亮左右相導也。詔相導左右助勵也。亮介尙右也。左右亮也。

亮

作涼相去聲。勵音慮。尙右之右。佑。此釋詔亮以下皆導之義。而述釋爲勵。又轉爲亮也。註曰。導謂教道。勵謂贊勉。右謂佑。助疏曰。周禮大宗伯云。詔相王之大禮詩。大明云。涼彼武王。孫炎云。介者相助之義。如人之左右手。愚按亮詩傳訓爲佐輔。蓋教道贊勉。佑助佐輔。皆互釋也。

緝熙烈顯昭皓煩光也。

頌歌同。此釋緝熙以下皆光之義也。總

光明載見三休有烈光疏曰。說文云。

昭日肅也。熙者亦日光也。熒火光也。

効鞏堅篤擊皮膠固也。

効苦鞏反擊韋同。一音慳。此釋効鞏以

臣易革卦云。鞏用黃牛之革。固志也。詩韓奕云。虔共爾位。愚按。勤從力。擊從手。韋本韋字。執而不舍。故因爲堅固之義。而讀如撻也。二者皆以人事而言。鞏者束之。固膠者粘之。固。二者皆以物用而言也。為厚皮謹也。二者皆以人心而言。堅猶固也。

疇孰誰也。

此釋疇孰爲誰之義。

也書云。疇若予工。

駢駢皇皇貌穆穆休嘉珍禱懿鑠美也。駢音旺貌音邇禱音衣

此釋駢駢以下皆美之義也。註曰：駢，禮以上皆美。盛貌。駢，日少儀云：祭祀之美。濟濟皇鄭云：皇皇，莫如歸往之姁。則此駢駢也。詩崧高云：既成藐藐。傳云：美貌。愚按：神從示不從玄字。書亦云：美也。

諸輯協和也。關闔唯唯音聲和也。颺變和也。

唯同颺古文協字。此釋諸輯以下並

爲和之義也。註曰：書云：燮友柔克。疏曰：詩闔唯云：關闔唯鳴匏葉云：雖離鳴雁。愚按：協，颺同字。古今文異耳。以文求義，蓋存諸心爲協，發於思爲颺故。此亦分列兩字。

從申神加弼崇重也。

重平聲。此釋從申以下皆重之義也。疏曰：隨從申重，加增弼輔崇充，皆所以爲重疊也。愚按：神爲重，舊未詳。苦神明變化，亦得爲重義。

殼悉卒泯忽滅磬空畢擊殼拔殄盡也。

殼音覺。磬音氣。殼音尖。○此釋殼悉以下皆盡之義。

也。疏曰：大雅桑柔云：靡國不泯。左傳云：臯陶庭堅不祀。忽諸。晉說文云：器中空也。拔者，舉除使盡也。愚按：殼爲盡。註疏未詳。史記云：

不疑於此猶言不
但云爾卽盡之義

苞蕪茂豐也

蕪蕪同。此釋苞蕪茂皆豐之義也。註曰禹貢云草木漸苞洪範云庶草蕃蕪。

擎斂屈收取蒐裒衰鳩樓聚也

擎音啾蒐音搜。此釋擎斂以下皆擎斂也。左傳云以鳩其民。樓猶今言拘樓愚按屈猶飲也。凡物飲則聚。舒則散。蒐裒則直。言聚也。鳩性亦好聚。

肅齊遄速亟屢數迅疾也。蹇駿肅亟遄速也

遄音船。上亟音闕。數音溯。下亟音急。蹇音

皆駿送同。此釋肅齊以下爲疾爲速之義也。註曰詩鄭風云不蹇故也。疏曰詩召南云肅肅胥征毛傳云疾貌齊者壯疾也。記大

傳云。遼奔走駿猶迅也。愚按整肅則疾速。散懈則遲緩。故肅齊爲疾之義。而疾速則類數遲緩則否。故亟屢數亦爲疾之義也。

壑阨阨膝徵隍濂虛也

阨音坑。濂音康。此釋壑阨以下皆虛之

重言耳。城池無水曰隍。易泰卦云城復于隍方言云濂之言空也。濂浪空貌愚按膝徵註未詳。或曰膝徵蓋騰微之說也。凡物上騰

則下虛中微則外虛。

黎庶烝多醜師旅衆也。洋觀哀衆那多也。

觀去聲。此釋黎庶以
下爲衆爲多之義也。疏

曰詩縣篇云戎醜飲行。洋洋亦多貌。關宮云萬舞洋洋桑

扈云受福不那愚按觀當讀如京觀之觀乃多之象也。
流差東擇也。差音义東揀同。此釋流差東爲擇之義也。疏曰詩
分愚按流東與今詩

解不同義亦自通。

戰慄震驚懼竦恐懼懼也。

懼音報憎懼同。此釋戰慄以下皆懼之義也。註曰詩長發云不懼不竦。疏曰

易震卦云震雷發威。又云驚遠而懼遁也。

痛瘡廻積玄黃劬勞咎頶鱗瘍鰥戮癰瘻痺痒疵痏閉逐疚痔瘻

癰瘻瘵瘻瘻病也。

痛音敷瘡音塗廻音灰積詩作墮頶葬同瘻音勤瘵音僉瘻音鼠瘻音攀瘻音里痒音羊疵音

祁瘻音昧瘥坐平聲。辨臍同音肥瘻音宣察音債濟齊去聲。此釋瘻以下皆病之義也。註曰玄黃厄積病者之通名或稱云馬病非也。詩蓼莪云生我劬勞書召誥云智藏鰥在今江東呼病曰瘵東齊曰瘻記曰親瘵色容不盛疏曰孫炎云痛人疲不能行之

病瘡馬跛不能進之病也。瘡馬跛不能升高之病也。黃馬更黃色之病也。蓋就詩釋爲馬病也。告者罪之病。產者勞之病。戮辱也。恥病也。詩正月云。瘡憂以痒。瘡癰癰痒。痒皆憂之病也。詩十月云。亦孔之海節。南山云。天方薦瘥。四月云。百卉具腓。板云。下民卒瘞。瞻卬云士民其瘵。桑柔云。瘼此下民。愚按逐郭註未詳。而邢疏謂逐軸音義同詩衛風碩人之軸。鄭箋謂之病也。今考全詩皆言碩人寬廣自得之意。不得言其病。箋說非是。逐當是狂易奔走之病也。

恙寫惄。盱蹠慘恤。惟憂也。惄音奎。一音里。盱音吁。蹠音透。此釋謂無憂也。寫者有憂而散寫也。詩卷耳云。云何盱矣。蹠役以爲憂愁也。愚按惄音奎。本恢諧字。又病也。憂也。悲也。音里。義亦同舊。改詩悠悠我里之里爲惄似曲。盱詩傳謂張目望也。蓋憂之貌。

倫勤功。敕勤愈庸。痺勞也。勑音異。功音窮。倫一作竇。痺多去聲。此釋倫勤以下皆勞之義也。註曰。勞者多情愴。今字或作竇。疏曰。倫者理也。理治事務者必勞。相約。數亦然。愚按勤勤勞之正義。倫敕於其先。庸即痺。竇於其後。勞來強事。謂剪蕪勤也。勞來者以其勤也。自觉强者。

爲勤。勤事事亦爲勤。愚按註疏勞來以下皆爲勤。翦蕪未詳其義。
或曰芟除糞蕪之屬皆勤也。或又曰考之曲禮乃拂氶馬馭而不
過爲鞭策之意。此條勞來強事四字連文謂翦蕪勤也。五字連文
言勞來乎強事者乃謂慰恤其勤也。此猶詩言經始勿亟相似。如
此看并謂字都有着落。此於上下文體似不合。然考全書諸文體亦多錯見學者參之。

悠傷憂思也。懷惟慮願念愁思也。思去聲。愁音淵。此釋悠傷以
怒如調饑。愚按上憂思也三字連文下思也二字

連文怒者如饑如渴迫不能已之貌。視願念爲切。
祿祉履獸祓禳祐福也。祓音翦。禳音弗。亦作茀。福亦作釐。禳祓同。此釋祿祉以下皆福之義也。註曰詩樛木云福履绥之。天保云俾爾祓穀疏曰詩卷阿云茀祿爾康矣。愚按祿祓舊未詳。考史記云受福文選云祈禳禳災是其義也。畿今詩傳云藉同謂盡也。

禋祀祠烝嘗禴祭也。禋音因。禴音藥。此釋禋祀以下皆祭之義
也。莊子書舜典云禋于六宗餘四時祭名政。日說文云祭從月從示。月從示月肉也。又手也。手持肉以祭神。示也。禋者潔祀也。祀者祭無已也。孔安國云精意以享曰禋。

假恪祗翼謹恭欽寅熯敬也。謹音固。熯音善。此釋儀格以下皆恩按詩傳云熯竭也。
蓋勞而不失敬之意也。

朝旦夙晨畯早也。畯音陵。此釋朝旦以下皆早之義也。註曰：畯是底皆止也。

頸堠晉戩底止篤待也。頸須同。堠侯同。晉替同。底音止。此釋頸堠以下皆待之義也。疏曰：說文云：早，從日，在甲上。十古文甲亦相待也。

噶幾哉殆危也。噶音微。此釋噶幾以下皆危之義也。註曰：幾猶殆也。愚按廣註未詳。字書亦云危也。或曰：字從口。

蓋危殆

之聲

饑汔也。饑音祈。汔音翕。此釋饑爲汔之義也。註曰：謂相摩近也。疏曰：說文云：剗摩也。註讀饑爲剗故云相摩也。孫炎云：汔近也。大雅民勞云：汔可小康。鄭箋云：汔幾也。轉相訓故訛爲汔也。

治肆古故也肆故今也。此釋治肆古爲故而肆又爲故今之義也。註曰治未詳。肆古見詩書又爲今。疏曰書康誥云肆台小子詩絲篇云肆不殄厥極毛傳云肆故今也。卽以肆之一字爲故今因上起下之語。郭氏字別爲義謂肆卽爲故又爲今。愚按以疏推之古當爲台肆台二字連文或云治字亦恐迨字之譌。

惇亶祐篤擊仍肫埤竺腹厚也。亶，俾革。肫，毗。肫音義並同。卑，音脾。義也。註曰：仍，頻也。益，肫也。皆重厚也。擊然厚貌疏曰：詩桑柔云：逢天憤怒。天保云：俾爾單厚。月令云：水澤腹堅。愚按前條篤擊並釋爲固此明附。

而又厚也。

載謨食詐僞也。話猷載行訛言也。此述釋載爲謨之屬之義也。註云：朕不食言。詩抑篇云：慎爾出諾。妖言爲訛疏曰：諾者善言也。猷者道也。愚按此當爲五釋：載謨也。凡載書乃謨謀之詞也。食詐僞也。詐僞二字連文。食其言而不能踐是詐僞也。話猷也。言而道存是善言也。載行也。載之謂事。行謂行事也。訛言也。凡訛者妖言也。謨猷行之下無語助者省文也。舊不達句讀省文之例而止。幸合爲兩釋者非。

遘逢遇也。遘逢遇，遷也。遘逢遇，遷見也。遘音譏。一音晤。此遷釋之義也。註曰：謂相遘遇，復爲相觸遷而相見也。疏曰：詩草蟲云：亦既遘止。夏草云：遘逅相遇。愚按字書，遘音悟者，遇也。逢也。又，遘也。音誘者驚。

相遇也。

顯昭覲剗覩見也。監瞻臨涖頰相視也。頰音眺。相去聲。此釋顯昭以下爲見爲視之義也。註曰：顯昭謂明見也。逸書云：剗我周王。監瞻以下皆謂察視也。愚按見猶視也。若言看見相似，與上遘遇，遷相見之見迥異，故覲覩得與顯昭等爲類。曉涖頰得與監。

瞻等爲類，明非朝覲之屬之義也。

鞠詔溢盈也。

詔音凶。此釋鞠詔溢爲盈之義也。註曰：詩節南山云：降此鞠詔。疏曰：毛傳云：鞠，盈也。鄭箋云：盈猶多也。

愚按今詩傳云：鞠窮也。訛亂也。

疏因本文之義，故從平傳釋之。

孔魄哉延虛無之言聞也。

間去聲。此釋孔魄以下爲間之義也。註曰：孔魄延虛無皆有間也。疏曰：間謂

間隙。孔者，孔穴。魄者，謂月無光之處。名魄也。書康誥云：哉生魄延者，今墓道也。虛無者，皆有間隙。愚按：魄哉，疑卽哉生魄倒文之信。

未詳或曰之在也往而不留言而不行亦有間之意也然其與亦迂

壅幽隱匿蔽竄微也

壅音意此釋壅幽以下爲微之義也註曰埋也幽深隱潛也匿亦藏也

藏者覆幬也竄者逃行也

訖報安懷安按替戾底廢尼定曷遏止也

尼音曉此釋訖報以下爲止之義也註曰安

者坐也按者抑也替廢皆止也國語云戾久將底孟子云止或尼之疏曰抑止爲曷逆止爲過國語云晉文公在翟狐偃曰吾來此可以居也今戾久矣戾久將底底著滯淫誰能興之盍速行乎愚按檢註未詳今考製琴徽止而軫動亦止也懷安卽懷與安實敗名之義二字本連文今析爲解耳廢爲止所謂廢然而反也

豫射厭也射數同此釋豫射爲厭之義也註曰詩葛覃云服之無斁愚按豫註未詳詩板篇云無敢戲豫亦厭意也

烈績業也績勳功也

此釋烈績以下爲業爲功之義也

功績實登平明考就成也

此釋功績以下皆成之義也註曰功績皆有成也詩抑篇云實爾人民曲禮云

年穀不登。穀梁傳云：平者成也。事有分明，亦成濟矣。愚按質爾。人民傳云：質成也。定也。考成成就皆成之義。楷梗較頤庭道直也。較音角。頤廷上聲。此釋楷梗以下爲直之義也。註曰：楷梗較頤皆正直也。詩大明云：既庭且碩疏。曰：庭條直也。道者道無所屈。

密康靜也。豫寧緩康柔安也。

此釋密康以下爲靜爲安之義也。疏曰：詩昊天云：夙夜基命宥密。愚按安亦寧靜之意也。凡事暇豫則安，迫切則不安。

柔靜剛躁亦畧如之。舊訓安爲安樂者非。

此釋平均以下爲易之義也。註曰：弟易並去聲。

平均夷弟易也。

弟易並去聲。此釋平均以下爲易之義也。註曰：皆謂易直也。疏曰：詩泂酌云：豈弟君子。愚按坦夷亦易直也。詩傳

云：豈弟樂易也。

矢弛也。弛易也。

矢弛並戶紙切。易去聲。此釋矢爲弛弛又爲易之義也。註曰：弛放也。疏曰：弓弦曰弛。禮雜記云：三王之道一張一弛。愚按矢釋弓則

希寡鮮罕也。鮮寡也。

鮮上聲。此釋希寡以下爲罕之義也。末三字當爲衍文。

酬酢侑報也此釋酬酢侑爲報之義也。註曰：通謂相報答。不主於主卒賓。又酌自飲復酌賓曰酬。賓曰獻。賓卒爵酌主曰酢。詩楚茨云：萬壽攸酢。謂神報主以福。故郭氏云：不專主於飲酒也。侑猶勸也。公食大夫禮云：三飯之後，主東帛以侑賓是王以報賓也。

毗劉暴樂也毗音皮。暴樂當作爆爍。音剥落。此釋毗劉爲暴樂之義也。註曰：謂木葉缺落，蔭疎暴樂也。疏曰：詩柔柔云：將采其劉。毛傳云：劉，爆爍而希也。

愚按：毗謂蕪毗也。毗劉二字連文。

翫繁茀離也翫音陌。繁音蒙。此釋翫繁爲茀離之義也。註曰：謂草木之叢茸翳蒼也。茀離卽彌離。猶蒙龍耳。孫氏字別爲非。

蠱語貳疑也詣音明。此釋蠱語爲貳疑之義也。疏曰：左傳趙孟問於醫和曰：何謂蠱？對曰：淫溺惑亂之所生也。於文蟲皿爲蠱。在易女惑男。風落山謂之蠱。是蠱惑也。貳者心疑不一也。愚按疏單訓蠱之義，語亦如之。蘊氏云：物必先壞也。而後蟲生之。人必疑也。而後謂之意。與此條畧同。此不明字說之同異而發事理之源流，蓋又一類也。

楨翰儀榦也

此釋楨翰儀爲榦之義也。註曰：詩崧高云：維周之賴儀表亦體榦也。

弼棐輔比備也

樂音匪。比音避。備音甫。○此釋弼棐以下爲備之義也。註曰：書康誥云：天威棐忱。易比卦云：比輔也。

備猶輔也。

疆界邊衛圉垂也

垂一作陲。○此釋疆界以下爲垂之義也。註曰：疆場境界邊徼營衛封圉皆外陲也。左傳云：聊

圉也。以固吾

昌敵彊應丁當也

此釋昌敵以下爲當之義也。註曰：彊者好與物相當。愚按：敵應丁乃當之正義。昌之言盛猶彊也。一云：昌，唱同。唱和亦有當意。舊引昌言之昌覺曲。

掌肩涒勤叡迪攸厲作也

此釋淳肩以下皆作之義也。註曰：淳然

與作貌。叡動作也。疏曰：攸者，始作也。愚

按：猶之言：奮猶淳也。肩之吉任任，作也。涒勤

聳皆爲動作。迪之言行，所謂作而待之也。

茲斯咨告已此也

此音紫。○此釋茲斯以下寫此之義也。註曰：告已，方俗異語。疏曰：此者對彼之稱告已，與此

相近故方言有異也愚按否與

茲同音蓋亦俗訛皆已之例

嗟咨嗟也

嗟音嗟○此釋嗟咨爲嗟之義也註

已河北人云嗟嘆音如兔且之罵

閑狎串貫習也

串貫並音慣○此釋閑

狎以下皆習之義也

曩塵佇淹留久也

此釋曩塵以下皆久之義也註曰塵垢佇企淹

居

逮及暨與也

此釋逮及暨皆與之義也註曰公羊云會

及暨皆與也

逮亦及也疏曰皆相親與也

隣假格陟躋登陞也

隣郢同假音格舊音遐非○此釋隣假以不

爲陞之義也

註曰方言云魯衛之間曰隣梁益曰假

公羊傳云躋者何陞也

疏曰方言云躋郢跋俗躋踰登也

關以東秦晉之間曰躋東齊海岱之間曰躋魯衛曰郢梁益之間

曰俗亦曰跋隣郢格俗音義同愚按假舊轉爲遐訓遐爲陞引登

遐相誣竊謂去登字單舉遐遠之遐訓陞頗曲考字書假一音格

當云格俗假音義並同

揮盤歇涸竭也

並澆同澆音鴉○此釋揮盤以下爲竭之義也。註曰月令云無澆陂池。揮振去水也。亦爲歇涸通語。

挹拭刷清也

挹音振拭音釋刷音刮○此釋挹拭刷爲清之義也。註曰挹訊拭埽刷皆所以潔清也。疏曰喪大記云

挹用巾公羊傳云反袂

拭面周禮凌人云秋制

鴻昏於顯間代也

於音烏間音嗣○此分釋鴻爲昏於爲顯間爲代之義也。或曰此承上條潔清之意而言鴻昏

謂鴻蒙昏昧也。於顯謂昭明顯爍也。凡所

以潔清之者乃昏汚與顯明相間代之意

餧饋饋也

餧音叶饋餉同○此釋餧饋爲饋之義也。

遷運徙也

此釋遷運爲徙

秉拱執也

此釋秉拱爲執之義也。註曰兩手持爲拱

厥熙與也

厥音欲○此釋厥熙爲與之義也。註曰書舜典云庶穎咸熙厥見周禮笙師云大喪廢其樂器鄭注

愚按熙明作也。

德爾假嘉也

假音貴。據嘉通。○此分釋爾爲爾假爲嘉之義也。古字音近，多借用。衛之爲爾蓋猶假之爲嘉與。

廢稅赦舍也

稅脫通舍上聲。○此釋廢稅赦爲舍之義也。廢周官云廢以馭其罪是也。稅解也。免也。舊引左傳廢其無

聲者及詩召伯所稅爲証。按如此與赦合之義却不合。其音義殆非。

棲遲慙休苦歎隸咽息也

棲音西。慙音器。歎音快。隸音戲。咽音戲。

○此釋棲遲以下皆息之義也。註曰：棲遲遊息也。苦者宜止息矣。歎隸咽皆氣息貌。疏曰：詩衡門云：可以棲遲。甘棠云：召伯所隸漢廣云：不可休息。方言云：息，消息也。嚙，咽息也。周鄭宋沛之間曰餽。或曰喙。東齊曰：咽愚。按此條棲遲

慙休四房以身言息。苦字以事言息。歎隸咽以氣言息也。

供峙其具也

峙池上聲。共供音義同。○此釋供峙其爲具之義也。註曰：皆謂備具疏曰：書費誓云：峙乃糗糧。

北風云：惠也。而好我。

娠震懃妯騷感訛蹶動也

娠音振。懃音振。妯音抽。○此釋娠震。以下皆動之義也。註曰：娠猶震也。詩

鼓鐘云憂心且妯野有死麕云無感我帨兮無羊云或寢或訛蠱
懸騷張皆搖動貌疏曰詩采蘋云泰爾蠻荆常武云震驚徐方徐
方釋騷長發云不懲不竦

覆察副審也

此擇覆察爲副審之義也。各二字爲連文舊析上三字總釋爲審者非。

契滅殄絕也

契音挈○此釋契滅殄爲絕之義也。註曰今江東呼刻斷物爲契斷疏曰左傳云盡借邑人之車契其軸

郡臻仍迺侯乃也

此釋郡以下之義也。註曰迺卽乃餘未詳愚按臻爲仍迺侯爲

乃兩釋之與

迪繇訓道也

繇音由○此釋迪爲繇訓爲道之義也。

僉咸胥皆也

此釋僉咸胥爲皆之義也。

育孟耆艾正伯長也

長上聲○此釋育孟以下皆長之義而又有釋艾爲歷也註曰育養亦爲長

正伯皆官長也長者多更歷疏曰詩全風云既生既育鄭箋云謂長老也孟庶長也書康誥云孟侯

歷種算數也

指首始數上聲○此釋歷種算爲數之義也註曰歷

詩豐年云萬億及秭

疏曰書禹謨云天之歷數在爾躬

之意秭言數之目算言數之義

傳音附○此釋歷爲傳之義也傳

歷傳也

謂相視也說文謂邪視也愚按胥當爲聿來胥字舊引胥盟爲証者非又艾歷爲相

艾歷觀胥相也

謂相視也說文謂邪視也愚按胥當爲聿來胥字

之胥

舊引胥盟爲証者非又艾歷爲相

註未詳疑此所謂吾闇人多矣之意

父亂靖神弗涵治也

弗弟同涵汨同○此釋父亂以下爲治之義也註曰論語云予有亂臣十人則書序作汨

疏曰虞書序云帝釐下土爲汨作之篇孔傳云汨治作興也言治功興也詩生民云茀厥豐草愚按神註未詳蓋所謂德盛化神

顧艾育養也

此釋顧艾育皆養之義也

汎渾隕墜也

汎音大渾上聲○此釋汎渾以下之義也註曰

際接翼捷也

翼音稊○此釋際接翼爲捷之義也註曰捷謂相接續也疏曰左傳云爾未際也禮曾子問云接祭而已

愚按契註未詳字書云

疾飛也飛捷則相接

苾神溢慎也。苾音私。○此釋苾神溢爲慎之義也。疏曰：書洛誥云：夙夜苾祀。溢者舍人謂行之慎也。愚按神爲慎未詳。蓋神周則慎，神散則息。

與舍人之義不可解。

鬱陶，繇喜也。繇記作猶搖同。○此釋鬱陶爲繇喜之義也。註曰：孟子云：鬱陶思君。記檀弓云：人喜則斯。陶陶斯詠。詠斯

猶猶。古今字耳。疏曰：鄭註云：鬱陶陶也。詠區也。

當爲搖聲之誤也。搖謂身動搖也。秦人猶搖聲相近。

馘，穢也。馘音國。穢齊去聲。○此釋馘爲穢之義也。註曰：獲馘耳爲馘。穫不爲穢。疏曰：詩閟宮云：在泮獻馘。謂獲囚而取其耳也。大田云：此有不斂。

穢，穢者獲禾鋪而未束也。

阻，艱難也。難去聲。○此釋阻。

艱爲難之義也。

剗，磬利也。

剗，覃磬畧。音義並同。○此釋剗磬爲利之義也。

允，任。壬，伎也。

疏曰：詩大田云：以我覃耜，載芟云：有畧其耜。任平聲。○此釋允爲任，壬爲伎之義也。註曰：任猶伎也。疏曰：舊韻誤曰：何畏爭巧言。令色孔壬愚接此。

集上釋允爲任而下則釋壬爲佞。允之言信論語云信則人任焉。

通論云信於朋友曰任是也舊未明上下兩釋之例而以允任壬

背釋爲佞據舜典云而難任人任固與壬同爲佞義然

直釋允爲佞而取佞人似信之義以文之則亦典矣。

俾拚拚使也。俾拚拚使從也。拚聘平聲。拚音烹。○此釋俾拚拚皆使之義也。詳曰：俾拚拚皆謂使令四

者又爲隨從也。疏曰詩柔柔云笄

云不逮。拚笄音義同。笄義亦然。

儂仍因也。儂音攘。○此釋儂仍爲因之義也。疏曰書費誓云無敢

寇攘。

鄭註云因盜亡失曰攘施博士讀曰襄書君喪云

襄我二人

董督正也。此釋董督爲正之義也。

享孝也。珍享獻也。此釋享爲孝。珍享爲獻之義也。疏曰致物於尊者曰獻。珍者珍物宜獻也。

縱縮亂也。此釋縱縮爲亂之義也。註曰縱放掣縮皆亂法也。

探篡俘取也。探平聲。篡音竊。俘音孚。○此釋探篡俘爲取之義也。註曰篡者奪取也。探者摸取也。書序云伐三殷。俘厥

徂在存也

此釋徂在爲存之義也。註曰：以徂爲在，猶以亂爲治。詰義反覆旁通，美惡不嫌同詞。

在存省士察也

此釋在存以下皆察之義也。疏曰：書舜典云在睿璗玉衡，謂審察也。士者理獄之官，主聽察者舜典

命臯陶云：汝作士。

烈柄餘也

此釋烈柄爲餘之義也。註曰：晉衛之間曰蘖，陳鄭之間曰烈。疏曰：餘謂遺餘也。詩雲：漢宣王承厲

王之烈李巡云：柄，橋木之餘也。柄蘖音義同。

迓迎也

此釋迓爲迎之義也。註曰：公羊傳云：跛者迓，跛者疏曰：聘禮云：厥明，訝賓於館。鄭註云：訝，迎也。詩鵲巢云：百兩御之。

註亦云：御，迎也。迓，許御音義並同。當以迓爲正。恩按：御之爲迎，猶左傳狂狡輅鄭人註云：輅，迎也。是也。

元良首也

此釋元良爲首之義也。註曰：左傳云：狄人歸先軫之元，謂首也。良，未聞愚按：凡稱良者，本然之善也。亦有首義。

荐摯臻也

此釋荐摯爲臻之義也。註曰：荐進也。摯，至也。故皆爲臻臻至也。疏曰：荐進執摯皆以表至也。

廣揚續也

此釋廣揚爲續之義也。註曰：書益稷云：乃廣載歌揚未詳。愚按抑而復揚，亦續之義。今云揚風扢雅。

祔祧祖也

祔音附。祧音鬼。此釋祔祧爲祖之義也。註曰：祔謂祔新死者於祖廟。祧者，毀廟主也。

卽尼也

尼音暱。下同。此釋卽爲尼之義也。註曰：卽猶今也。尼者近也。尸子云：悅尼而來遠是也。

尼定也

此釋尼爲定之義也。註曰：尼者止也。亦定也。

適幾暱近也

幾不聲。此釋適幾暱爲近之義也。註曰：暱，親近也。疏曰：聘義云：日幾中而後禮成。

安安坐也

此釋安爲安坐之義也。疏曰：士相見禮云：安而後傳言。鄭註云：安安坐也。傳言謂出言也。

貉縮綸也

貉音陌。此釋貉縮爲綸之義也。註曰：綸者繩也。謂牽縛貉之也。今俗語亦然。

貉嘆安定也

此釋貉嘆安爲定之義也。疏曰：詩皇矣云：貉其德音。毛傳云：貉靜也。又云：求民之莫。鄭箋云：求民之定也。

貉音莫。義並同。

伊維也

此釋伊爲維之義。而又總釋爲侯也。

時寔是也

此釋時寔爲是之義也。註曰：公羊傳云：寔來者，何？是來也。疏曰：詩駟騤云：奉時辰牡。春秋桓五年冬書州公如

曹六年春書寔來。公羊云：寔來者，何？猶曰：是人來也。

卒猷假輶已也

此釋卒猷以下爲已之義也。註曰：猷假爲已。

求會在卒就終也

會音因。此釋求會以下皆終之義也。註曰：詩

求會在卒就終也。卷阿云：似先公會矣，成就亦終也。愚按：求在義未詳。或云：求恐爲究聲之誤也。凡物有定在，亦

崩薨無祿卒徂落殪死也

殪音意。此釋崩薨以下皆死之義也。疏曰：曲禮云：天子死曰崩，諸侯曰薨。大

夫曰：卒。士曰：不祿。鄭註云：崩者，自上顙壞之名；薨者，顙壞之聲。卒終也。不祿謂不終其祿，死之言。澌精神澌盡也。書舜典云：放歎乃徂落。徂落之言，往落者若草木葉落也。隱九年左傳云：戎師盡殪。

爾雅卷之二

姜兆錫註疏叅義

釋言第

二疏曰論語云詩三百一言以蔽之左傳趙簡子云

方朔云

十六學詩書論二十二萬言則以一字爲一言也漢書東

一字一句有異學者莫能通故釋之也愚按篇義已總見釋

詁篇疏又云此者蓋首篇所釋有一

句之文數條而此則皆一字之文與

殷齊中也

此釋殷齊爲中之義也疏曰書堯典云日中星鳥以殷

仲春孔氏云殷正也

中正義同釋地云岠齊州以南註

云岠去也

齊中也

斯謠離也

此釋斯謠爲離之義也註曰方言云齊陳曰斯疏曰斯

析謠張皆分離也

詩墓門云斧以斯之巷伯云哆分侈

公該後

音義同

謠興起也

謠音速

○此釋謠興爲起之

還復返也

還旋同

○此釋還復爲返之義也疏曰

皆回返也春秋書師還至河乃復之類

宣徇徧也。徇音殉，又旬同。此釋宣徇爲徧之義也。註曰：皆周徧徧也。愚按：旬之言均宣之言散，凡物均散則徧也。

駟遲傳也。駟音口。傳去聲。○此釋駟遲爲傳之義也。註曰：皆傳車。駟馬名。疏曰：文十六年左傳云：楚子乘駟會師。僖三十一年云：使薳告於鄭。成五年云：晉侯以傳召伯宗。皆謂今駟也。

蒙荒奄也。此釋蒙荒爲奄之義也。註曰：奄，奄覆也。疏曰：詩唐風云：葛生蒙楚。周南云：葛藟荒之。

告謁請也。告音谷。○此釋告。

肅唯聲也。唯離同。○此釋肅唯爲聲之義也。疏曰：詩有瞽云：肅唯和鳴。

格懷來也。此釋格懷爲

來之義也。

畛底致也。底音止。○此釋畛底爲致之義也。疏曰：曲禮云：畛於鬼神。昭元年左傳云：底祿以德。接音是。○此釋畛底爲致之義也。註曰：今江東呼母。

惄怙恃也。惄音慘。疏曰：皆依恃也。詩蓼莪云：無父惄惄，無母何恃。

律適述也。此釋律適爲述之義也。疏曰：適者，述行之也。愚按律之言法，卽述也。書康誥云：今民將在祀適厥文考。此述行之義也。舊謂律管所以述氣，又引適駿有聲爲述適之通非。

俞奮然也。

禽古答字。○此釋俞奮爲然之義也。註曰：記內則云：男稚女俞。奮者應也，亦爲然。

豫臚敘也。

此釋豫臚爲敘之義也。疏曰：事豫備者有敘也。漢書云：太初元年，改秦典客爲大鴻臚。鴻大也。臚陳敘也。以禮

大陳敘於客也。莊子云：大儒臚傳。

庶幾尙也。

幾平聲。○此釋庶幾爲尚之義也。疏曰：詩莞柳云：不尚息焉。鄭箋云：尚庶幾也。尚卽庶幾義，相反覆。

觀指示也。

此釋觀指爲示之義也。疏曰：示謂呈見於人也。國語祭

觀語云：指其掌。謂指舉以示人也。

若惠順也。

順之義也。

教撫倣也。

教去聲。撫音武。○此釋教撫爲倣之義也。註曰：記投壹云：無撫無教。

國語釋言

卷二

一

幼鞠稚也

此釋幼鞠爲養之義也疏曰書康誥云兄亦不念
鵠子哀愚按鞠育養也幼者宜鞠養故爲稚義

逸晉過也

譽愆同○此釋逸晉爲過之義也疏曰書盤庚云
惟予一人有佚罰逸謂失也左傳云禮義不譽

疑休戾也

此釋疑休爲戾之義也註曰戾止也疏曰月令云百工
休是爲止也愚按疑當讀魚乞切音屹詩桑柔云靡所

止疑是也舊讀如字引書疑謀勿成爲証而謂疑者亦止其釋非是

疾齊壯也

此釋疾齊爲壯之義也疏曰急速齊整皆強壯於事也

懨褊急也

褊邊上聲○此釋懨褊爲急之義也疏曰詩靈臺云經
始勿亟文王有聲云匪棘其欲懨亟棘音義並同葛履

云維是

褊心

貿買市也

貿音古○此釋貿

屏陋隱也

屏待佛切○此釋屏陋爲隱之義也疏曰儀禮有司徹云屏用席書堯典云揚側陋

遇遠逮也

邁音誓○此釋遇遠爲逮之義也註曰方言云東齊日遇北燕日逮皆相逮及也

征邇行也。此釋征邇爲

行之義也。

圮敗覆也。

圮皮美反。覆音福。此釋圮敗爲覆之義也。

註曰。謂毀覆也。疏曰。書盛庚云。祖乙圯于地。

荐原再也。

荐音賤。此釋荐原爲再之義也。註曰。易坎卦云。水荐至。今呼重贊爲厭疏曰。荐草再生也。周禮馬質云。禁原

撫教撫也。

教音赤。此釋撫教爲撫之義也。疏曰。皆愛撫也。方言云。東齊幽閭之間。謂愛曰撫。舊大諺云。教寧武圖功。

腥膩瘠也。

腥音瞿。膩音求。此釋腥膩爲瘠之義也。註曰。齊人謂瘠爲膩。

枕頰充也。

此釋枕頰爲充之義也。疏曰。孫叔然本桃作允。說文云。頰火光也。皆充盛也。

蜃臚亟也。

亟音器。此釋蜃臚爲亟之義也。註曰。亟數也。親臚者亦數。

靡罔無也。

無之義也。

夾差也夾忒也。

此釋夾爲差。爲忒之義也。

但厭也

傳音二○此釋但爲厭之義也疏曰但次也卽副亦也

餽也

此釋餽謂翦刀爲劑刀疏曰皆謂齊齒也

餽稔也

此釋餽飯爲饋之義也註曰今呼餽飯爲饋饋熟爲饋疏曰稔熟也孫炎曰蒸之曰饋均之

曰餽說文云饋一蒸米也餽飯氣流

也詩洞酌云可以餽饋餽饋音義同

勝將送也

此釋勝將爲送之義也註曰傳云以勝秦穆姬詩燕燕云遠于將之

作造爲也

此釋作造爲之義也疏曰謂營作也並見詩緇衣篇

賚餼食也

此釋賚餼爲食之義也疏曰陳楚之間相調而食麥餼謂之賚

鞠究窮也

此釋鞠究爲窮之義也疏曰皆窮盡也

滷於鹹苦也

此釋滷以下爲苦之義也註曰滷苦魯此滷苦地也可於憐者亦辛苦太鹹亦苦矣

干流求也

此釋干流爲求之義也疏曰語云子張學干祿詩關雎云左右流之

流覃也。覃延也。此釋流爲覃，覃爲延之義也。

註曰：皆謂蔓延相被及也。

佻偷也。

此釋佻爲倫之義也。

潛深也。潛深測也。

此釋潛爲深而又爲測之義。

註曰：測亦水深之別名。

穀鞠生也。

此釋穀鞠爲生之義也。

註曰：詩大車云。

啜茹也。

此釋啜爲茹之義也。

註曰：記檀弓

茹虞度也。

此釋茹虞爲度之義也。

註曰：詩度音鐸。

試式用也。

此釋試式爲用之義也。

註曰：書盤庚

誥誓謹也。

此釋誥誓爲謹之義也。

註曰：皆以謹戒衆也。

競逐彊也。

此釋去聲。

此釋競逐爲彊

樂圉禁也。

此釋樂圉爲禁之義也。

註曰：禁制也。

常棣云：外禦其侮，養馬曰圉，亦以禁制也。

望廁塞也。

蓮音堙○此釋空蓮爲塞之義也疏曰皆謂堙塞也詩七月云穹窒熏鼠周禮大宗伯云以狸沈祭山林川澤

黼黻彰也。

此釋黼黻爲彰之義也註曰黼文如斧黻文如雨已相

背疏曰考工記云白與黑謂之黼黑與青謂之黻愚按

虞書云彰于五采故

約舉二者以明之。

膺身親也。

此釋膺身爲親之義也疏曰服膺身先皆謂躬親也

愷悌發也。

此釋愷悌爲發之義也註曰發謂發行也疏曰詩載驅云齊子愷悌鄭箋云愷悌猶發夕也

髦士官也。

此釋髦士爲官之義也疏曰聚後也詩棫樸云髦士攸宜

畯農夫也。

此釋畯爲農夫之義也註曰今之裔夫是也疏曰孫炎云農夫謂田官也詩甫田云田畯至喜鄭箋

云田畯司嗇今之嗇夫也在田司主稼穡故謂

之司嗇漢晉皆有此官故鄭郭皆謂今之嗇夫。

蓋剗裂也。

此釋蓋以下之義也疏曰謂以刀剗之也愚按器用蓋剗象也或云蓋當爲芟草書之誤曲介者不瓦爲其

拜而芟蓋服張起不

號點之貌故爲裂也

邕支載也。此釋邕支爲載之義也。註曰：皆方俗譌疏曰：謝氏云：邕字又作擁。釋云：擁者，叢之載也。愚按：擁護支持，皆慎於裁之意。

誼累也。誼竹睡切。誼女誼切。○此釋誼諺爲累之義也。註曰：以事相屬累爲誼。疏曰：謂相累及也。孫炎云：楚人曰誼。秦人曰談。

漠察清也。此釋漠察爲清之義也。疏曰：

樊光云：漠然清貌，察明也。

庇庥廢也。

此釋庇庥爲陰之義也。註曰：今俗呼樹廢爲

庇庥廢也。

麻蔬曰：文七年左傳云：萬萬猶能庇其本根。

穀履祿也。

此釋穀履爲祿之義也。註曰：詩樛木云：福履將之。愚按：

穀爲祿。

語云：三年學不至於穀是也。舊引書穀富方穀

爲証者非方穀

之穀乃善也。

履禮也。

此釋履爲禮之義也。疏曰：易序卦云：物畜然後有禮。故受之以履。韓康伯云：履者，禮也。

隱占也。

此釋隱爲占之義也。註曰：隱度也。

疏曰：占者視兆隱度以知吉凶也。

逆迎也。

先釋逆爲迎之義也。疏曰：昔願命云：逆子剗于南門之外。

憎曾也。

憎音慘。○此釋憎爲曾之義也。疏曰：猶言曾也。詩節南山云：憎莫憊嗟。河廣云：曾不崇朝。

增益也。

此釋增爲益之義也。註曰：今江東通言增。

寢貧也。

寢音巨。○此釋寢爲貧之義也。註曰：寢謂貧陋也。疏曰：寢無禮也。貧無財也。由無財爲禮故云陋也。詩北門云：終寢

貧。

夢隱也。

夢音愛。○此釋夢爲隱之義也。疏曰：夢障卽隱蔽也。

優吧也。

俊音俊。○此釋優爲呪之義也。註曰：嗚吧短氣疏曰：詩桑柔云：亦孔之俊。

基經也。

基爲經又爲設之義也。註曰：基業以自經營也。亦爲造設也。疏曰：基，墻下土也。又註爲始作事謀

始必經綸也。

祺祥也。祺吉也。

此釋祺爲祥而又爲吉之義也。註曰：祥謂祺。祥吉之先見者也。疏曰：詩行葦云：壽考維祺。

此也。此釋兆爲域之義也。疏曰：謂墮墓界域也。士喪禮云：筮宅城也。

肇敏也。此釋肇爲敏之義也。疏曰：謂

敏疾也。

書酒誥云：肇牽車生。

挾藏也。

江東通言：挾音叶。

○此釋挾爲藏之義也。註曰：藏，今

浹徹也。

浹音接。

○此釋浹爲徹之義也。疏曰：言浹洽無徹也。

晉廢也。晉滅也。

此釋皆爲廢。

爲滅之義也。

速徵也。徵召也。

此釋速爲徵又爲召之義也。

註曰：易需爻云：不速之客。

琛寶也。此釋琛爲寶。

寶之義也。

探試也。此釋探爲試之義也。

註曰：刺探嘗試也。

見不善如探湯。

髦選也。髦俊也。

此釋髦爲選又爲俊之義也。

註曰：俊士之選如毛中之髦也。

疏曰：長毫曰髦。

俾職也。

此釋俾爲職之義也。註云：爲使言任使供職也。

紝飾也。

紝者避○此釋紝爲飾之義也。註曰：謂緣飾也。疏曰：詩干旄云素絲紝之。

凌慄也。

慄音凌○此釋凌爲慄又爲戚之義也。註曰：凌據戰慄憂慄也。

躭明也。

光明也。此釋躭茅皆爲明而又爲朗之義也。註曰：謂清明貌疏曰焚光云，躭除垢穢使清明也。愚按記云：繙酌用茅明酌也。是茅明

也。之義舊引左傳前茅慮無爲証者非也。

猷圖也。

猷猶同○此釋猷爲圖而又爲若之義也。註曰：周官云以猷鬼神祇謂圖畫也。詩小星云，寔命不猶。

偁舉也。

稱好也。此釋偁古稱字○此釋偁爲舉而又爲好之義也。註曰：書牧誓云，偁爾于物稱人意亦爲好也。

坎律銓也。

此釋坎律爲銓之義也。疏曰：謂銓量也。焚光云：坎卦水也。水性平。律亦平。銓亦平也。

矢誓也。

此釋矢爲誓之義也。

舫舟也。

此釋舫爲舟。泳爲游之義也。註曰：舫並兩船也。泳潛行也。疏曰：大夫方舟討谷風云：泳之游之。

迨及也

此釋迨爲及之義也

冥幼也

此釋冥爲幼之義也。註曰：幼，擇者冥昧。

降下也

備音容。○此釋降爲下備爲均之義也。疏曰：

詩草蟲云：我心則降。節南山云：昊天不備。

彊暴也

此釋彊爲暴。竈爲肆之義，而又轉肆爲律也。疏曰：彊梁者凌暴，輕寃者放肆，肆謂極力也。

傭均也

備音容。○此釋傭爲均之義也。疏曰：

侏戴也

依音求。○此釋侏爲戴之義也。詩綠衣云：戴弁侏侏。

瘞幽也

瘞音意。○此釋瘞爲幽之義也。註曰：瘞亦葬也。

釐屬也

釐音離。屬音計。○此釋釐爲屬之義也。註曰：毛釐所以爲屬。疏曰：屬者織毛爲之若今鞶韁以衣馬之帶鞅也。

烘燎也

烘音恍。燎音頃。○此釋烘爲燎，烘爲炷之義也。註曰：烘今之三隅竈也。疏曰：舍人云：烘以火燎也。炷者無釜之竈，其上燃火謂之烘。若今之火爐也。詩白華云：卬烘于煁。

陪朝也

朝音潮○此釋陪爲朝之義也。註曰：陪位爲

康苛也。

苛音何○此釋康爲苛之義也。註曰：謂苛刻也。疏曰：苛，毒

安也。左傳云：州吁阻兵而安忍，是心安於苛也。

此訓似曲考六書正誣。康，米穀皮也。借爲康樂字，蓋去穀皮以爲米，亦煩苛之義。

樊藩也。

此釋樊爲藩之義也。註曰：藩謂藩籬。疏曰：樊，以細木爲之。詩東方未明云：折柳樊圃。

賦量也。

此釋賦爲量之義也。註曰：賦稅所以評量疏

糧糧也。

此釋糧爲糧之義也。註曰：賦稅所以評量疏。日燕之北鄙東齊北鄙凡相賦斂謂之平均。

庶侈也。庶幸也。

此釋庶爲侈，又爲幸之義也。註曰：庶多爲奢侈，庶幾爲僥倖。

筑拾也。

此釋筑爲拾之義也。註曰：謂拾掇也。疏曰：金縢

獎駟也。

此釋獎上聲，駟粗同○此釋獎爲駟之義。註曰：今江東呼大爲駟，駟猶麌也。

集會也。

此釋集爲會之義也。疏曰：說文云：集若羣鳥在林木之止。經典通謂聚會爲集。

舫游也。游音字。○此釋舫爲游之義也。註曰：水中葦筏也。疏曰：方
浮於海。註曰：桴編竹木爲之。大曰：杙。小曰：杼。杼方游。杼音義並同。

洵均也。洵龕也。

洵舊作旬。今按如字。龕音洪。○此釋洵爲均而又柔。柔其下。候旬毛傳云：旬言陰均也。洵旬音義同。龕未詳。愚按：洵溝中水也。溝水回也有龕之象。則洵不必作旬。蓋如字與又洵信也。誠信則均平亦如字也。舊說殆非。

逮遜也。逮音沓。○此釋逮爲遜之義也。註曰：

今荆楚人皆云遜疏曰：謂相及也。

是則也。

此釋是爲則之義也。疏曰：是不非也。

畫形也。畫俗作讖。○此釋畫爲形之義也。疏曰：考工記云：繪畫之事。土以黃，其象方。天時變火以圖山以章，水以龍鳥獸蛇。

是畫者爲

形象也。

賑富也。此釋賑爲富之義也。賑濟也。富猶善人是富之富。

局分也。

分去聲。此釋局爲分之義也。註曰：謂分部也。疏曰：成十六年左傳云：離局姦也。杜註云：遠其部曲爲離局。

憤怒也。

憤音憤。此釋憤爲怒之義也。註曰：詩板篇云：天之方憤。疏曰：舍人云：憤，怒聲。

惄聲也。

惄音屑。此釋屑爲聲之義也。疏曰：謂聲音惄惄然也。

葵揆也。

揆音義同。度音鐸。此釋葵爲揆又爲度之義也。註曰：詩采菽云：天子葵之。度，商度也。

逮及也。

此釋逮爲及之義也。

怒饑也。

怒音渴。此釋怒爲饑之義也。註曰：怒然饑意。疏曰：詩汝墳云：怒如調饑。毛傳云：怒饑意也。鄭箋云：怒思也。怒本爲

思。但饑之思食意又想然故以怒爲饑也。

貽重也。

貽音軫。此釋貽爲重之義也。疏曰：隱三年左傳云：憾而能貽者鮮矣。杜註：憾恨則恩亂，鮮能自安重也。

獮虐也。

此釋獮爲虐之義也。註曰：凌獮，暴虐也。

土田也。

此釋土爲田之義也。疏曰：釋名云：土耕曰田。田者，墳也。木稼墳滿其中也。

戊過也。師人也。

戌音庚。此釋戊爲過帥爲人之義也。註曰：戌守所以止寇賊，師謂人衆也。疏曰：過止也。

牿輩也。

牿音甲。此釋牿爲輩之義也。註曰：牿然堅固。疏曰：易革

石堅也。字雖

小異，義則同。

棄忘也。

此釋棄爲忘之義也。疏曰：遺忘也。詩谷風云：棄予如遺。

鄙闊也。

鄙贊同。此釋鄙爲闊之義也。舊舊無欲自得之貌。

謀心也。獻聖也。

此釋謀爲心，獻爲聖之義也。註曰：謀意以心謚法，聽明睿知曰獻。

里也。

此釋里爲邑之義也。註曰：謂邑居也。疏曰：王制云：凡居民量地以制邑。

襄除也。

此釋襄爲除之義也。註曰：詩墳有失云：不可襄也。

振古也。

此釋振爲古之義也。註曰：詩載芟云：振古如茲。猶云：久若此。愚按詩傳訓振古爲極古二字連文，此則言振爲古之

意。

憇怨也。

憇音隊。○此釋
憇爲怨之義也。

綱介也。

綱音離。○此釋綱爲介之義也。註曰：綱者繫也。介
階閑也。疏曰：釋水云：綱，綏也。綏，繫也。繫繫者，則介閑也。

號譯也。

號平聲講呼同。○此
號號爲辨之義也。

凶咎也。

告之義也。
此釋凶爲

苞穎也。

此釋苞爲穎之義也。註曰：今物叢綈者爲穎。疏曰：孫炎云：物叢生曰苞。詩鵠羽云：集于苞栩。毛傳云：苞，穎也。鄭箋云：

穎者根相逼
生相續也。

遁寤也。

遁音悟。○此釋遁爲寤之義也。疏
曰：遁謂相干也。寤而覺之曰遁。

頤題也。

頤音訂。詩作定。○此釋頤爲題之義
也。註曰：題，頤也。詩麟趾云：懿之定。

猷肯可也。

此釋猷肯爲可之義也。註曰：詩陟岵云：猷來
無棄肯。今通言疏曰：詩終風云：惠然肯矣。

務悔也。

此釋務爲悔之義也。註曰：詩常
棣云：外禦其侮。疏曰：謂輕侮也。

貽遺也。

遺惟季反。○此釋貽爲遺之義也。詳日相歸遺也。愚按靜女云。遺我彤管。

貿買也。

此釋貿爲買之義也。疏曰詩氓篇云抱布貿絲。

賄財也。

此釋賄爲財之義也。詩氓篇云以我賄逃。

甲狎也。

此釋甲爲狎之義也。疏曰謂狎習也。詩芄蘭云能不我甲。

愚按詩傳云甲長也與此不同。此以上四條皆釋衛風之文。

菼雔也。菼亂也。

雖音追。亂音頑。○此釋菼爲雔又爲亂之義也。註曰詩大車云毳衣如菼。菼草色青白如雔。疏曰毛

傳云。菼雔也。鄭箋云。菼亂也。以傳解草色未

辨草名故定之也。釋畜云。蒼白雜毛曰雔。

粲餐也。

餐音孫。○此釋粲爲餐之義也。註曰今河北呼食爲粲。疏曰詩緇衣云。還予授子之粲兮。

渝變也。

此釋渝爲變之義也。詩羔裘云。舍命不渝。

宜肴也。

此釋宜爲肴之義也。註曰詩雞鳴云。與子宜之。疏曰李巡云。謂飲酒之肴饌也。愚按詩傳云。宜者和其所有也。

夷悅也。

此釋夷爲悅之義也。註曰：詩草蟲云：我心則夷。愚按：詩風雨云：云胡不夷。此以上四條皆釋鄭風之文。

顛頂也。

此釋顛爲頂之義也。疏曰：詩車鄰云：有馬白顛。

耋老也。

耋音迭。○此釋耋爲老之義也。註曰：八十曰耋。疏曰：詩車鄰云：逝者其耋。

輶輕也。

此釋輶爲輕之義也。詩駟賦云：輶車鸞鎮。

僂淺也。

僂音踐。○此釋僂爲淺之義也。註曰：詩小戎云：小戎僂牧。愚按：此以上四條皆釋秦風之文。

綯絞也。

此釋綯爲絞之義也。註曰：糾絞繩索也。詩七月云：宵爾索綯。

訛化也。

此釋訛爲化之義也。註曰：詩破斧云：四國是訛。

文之風之。

烝塵也。

此釋烝爲塵之義也。註曰：人衆所以生塵埃。疏曰：詩南有嘉魚云：烝然罩罩。愚按：此及下條乃釋詩常棣烝也無戎。

之文其三章云每有良朋况也求歎四章云每有良朋蒸也無戎
况蒸二字詩傳皆云語辭又一說況或作悅蓋不決爲語辭也此

釋蒸爲塵蓋亦謂塵俗紛然無

相助佐者與註疏所釋似曲

戎相也相去聲○此釋戎爲相

之義也註曰相佐助也

飫私也此釋飫爲私之義也疏曰飫非公朝

之燕私飲酒也詩常棣云飲酒之飫

孺屬也此釋孺爲屬之義也註曰謂親屬也疏曰李巡云孺者骨

肉相親屬也詩常棣云和樂且孺愚按詩傳云孺者如小

兒之慕父母言其切也舊訓孺爲屬

未楚此以上四條皆釋常棣之文

幕暮也此釋幕爲暮之義也註曰幕然暮夜

也

燔熾也熾盛也此釋燔爲熾盛之義也疏

曰詩十月云艷妻燔方處

柢本也柢音帝○此釋柢爲本之義也疏曰周禮典

瑞云圭有邸又云兩圭有邸邸抵音義同

宛閒也聞音閑○此釋宛爲閒之義也疏曰詩關雎云窈窕淑女毛傳云幽閒也鄭箋云幽閒深宮也皆謂淑女所處之宮

也

周禮釋言

卷二

七

形矣竊窺然愚按詩傳言淑女有幽閒貞靜之德蓋借形之詞而毛鄭則但就字言其所處耳

淪率也此釋淪爲率之義也疏曰謂相率率也

率也此釋催爲毒之義也

惪同也此釋檢爲同之義也

詮曰模範同等也

郵過也此釋郵爲過之義也

郵尤古字通故釋爲過舊謂郵亭爲道路所經過者非

遜遜也此釋遜爲遜之義也疏曰春秋莊元年夫人孫于齊公羊傳云孫者何猶遜也內諱奔謂之遜

躋踏也債僵也此釋躋爲踏債爲僵之義也

詮曰躋踏前覆也債僵卻僵也左傳云鄭伯之車債

濟

吟殄也此釋吟爲殄之義也疏曰詩載芟云徂熙徂吟毛傳云吟場則地絕故爲殄也

曷蓋也。此釋曷爲諭之義。

也詎曰。盍何不也。

虹潰也。

潰音曾。○此釋虹爲潰之義也。詎曰。潰敗亂也。詩召旻云。懿威內虹。

暗闇也。

暗音唵。○此釋暗爲闇。之義也。詎曰。暗然冥貌。

勑膠也。

勑音曠。○此釋勑爲膠。之義也。詎曰。膠黏勑也。

孔甚也。

厥其也。此釋孔爲甚厥。爲其之義也。

常與

夏禮也。此釋夏爲禮之義也。詎曰。夏謂常禮疏曰。釋詁云。夏常也。愚按夏之言法禮猶法也。舊謂夏爲常禮者。蓋禮法爲殊然有

闔臺也。

闔音都。○此釋闔爲臺之義也。詎曰。闔城門臺疏曰。詩出其東門云。其出闔闔。

因拘也。

此釋因爲拘之義也。

攸所也。

此釋攸爲所之義也。詩韓奕云。爲韓姞相攸。

展適也。鬱氣也。

此釋展爲適，鬱爲氣之義也。註曰申展適意也。鬱然氣出貌。

宅居也。

此釋宅爲居之義也。

休慶也。

此釋休爲慶之義也。

祈呼也。

此釋祈爲呼之義也。註曰祈祭者呼呼而請事。

濬幽深也。

此釋濬爲哲之義也。疏曰書舜典云濬哲文明孔安國云言舜有深智也。

弄玩也。

此釋弄爲玩之義也。疏曰詩斯干云載弄之璋。

尹正也。

此釋尹爲正。皇爲匡正之義也。註曰尹謂官正也。詩破斧云四國是皇。疏曰書君陳云尹茲東

郊是官正也。皇君威之正。匡諫救之正。孝經云匡救其惡惡。按詩傳云皇匡也。則皇爲匡正之義。註疏引論風孝經分釋皇匡二字。

服整也。

此釋服爲整之義也。註曰服御之令整也。

曲似

聘問也。此釋聘爲問之義也。疏曰：對文則聘問異。周禮大行人云聘也。聘禮云：小聘曰問，是皆異也。散文則通，故云聘問也。

愧懸也。

此釋愧爲懸之義也。

殛誅也。

此釋殛爲誅之義也。疏曰：謂誅責也。

克能也。

此釋克爲能之義也。

翼明也。

此釋翼爲明之義也。

訟訟也。

此釋訟爲訟之義也。註曰：訟者言訟競也。

晦冥也。

此釋晦爲冥之義也。

奔走也。

此釋奔爲走。遂爲退。蹇爲仆之義也。註曰：齊國語云：已復于事而遂頓蹠倒仆也。疏曰：奔，大走也。遂，却退也。蹇，仆。

前文蹇殆也。躊躇也是也。

釋言

亞次也

此釋亞爲大之義也。

諗念也

詑音審。○此釋詑爲念之義也。註曰：詑者相思念也。詩四牡云：將母來詑。愚按：詩傳云：詑，告也。蓋因思念而請告與

屆極也

此釋屆爲極。弁爲同爲蓋之義也。註曰：極，有所限極也。疏曰：詩瞻仰云：靡有夷屆。

弁同也

此釋弁爲同爲蓋之義也。註曰：弁，言弁覆。

同爲已有也

此釋同爲已有也。奄，弁音義同。

恫痛也

恫音通○此釋恫爲痛之義也。

握具也

此釋握爲具之義也。註曰：謂備具也。疏曰：謂握持辦具也。

李本作幄。釋云：居位之處之具也。詩權輿云：夏屋渠渠鄭箋云：屋具也。愚按：疏云：握持者如此經字釋之也。李本則以手爲巾。今考夏屋器名當從詩作屋爲正。

振訊也

此釋振爲訊之義也。註曰：振者奮迅。疏曰：謂振訊去塵也。曲禮云：振書端冊。愚按：註義訊當作迅。疏作如字，義無所

屬

闢恨也

闢音隙。○此釋闢爲恨之義也。註曰：謂相怨恨。疏曰：闢，孫炎本作恨。謂狠戾也。詩常棣云：兄弟闢于。檮毛傳云：狠也。

曲禮云。狠無求勝以
爭形異。故釋者兩解。

越揚也。對遂也。

此釋越爲揚對爲遂之義也。註曰。謂發揚也。詩江漢云。對揚王休。疏曰。揚謂稱美也。遂者因事之詞。愚按對爲遂者。因命而遂有所對也。但味本文釋對越二字。詳乃釋對揚之義耳。

燬火也。

燬音毀。○此釋燬爲火之義也。詩汝墳云。王室如燬。

懈怠也。宣緩也。

此釋懈爲怠宣爲緩之義也。註曰。緩謂寬緩也。愚按宣之言散寬緩猶言散緩也。

遇偶也。

此釋遇爲偶之義也。疏曰。隱八年穀梁云。不期而會曰遇。

曩。卿也。侌。暇也。宵。夜也。

曩音向。侌音向。遑同。○此釋曩。卿宵之義也。註曰。晉國語云。曩而言戲。詩四牡云。不遑啟處。疏曰。詩小星云。蕭蕭宵征。

憤。忼也。惄。貪也。

忼音玩。惄音慨。○此釋忼爲忼惄爲貪之義也。註曰。謂愛忼貪美也。疏曰。昭元年左傳云。主民寵歲而惄。

摺枉也。摺音枝。枉音注。○此釋摺爲注之義也。疏曰。說文云。摺。古用木。今用石。字書云。枉屋之欹也。愚按。摺者。今人云。摺。

摺

也。

裁節也。並併也。

併評上聲。○此釋裁爲節。並爲併之義也。疏曰。易卦云。后以財成天地之道。財裁音義同。並併古

今字通詩車部。云。並坐鼓瑟。

卒既也。

此釋卒爲既之義也。

憤慮也。

憤音叢。○此釋憤爲慮之義也。註曰。謂謀慮也。疏曰。憤字書作悰。

將資也。

此釋將爲資之義也。註曰。謂資策疏曰。行所資也。

黹紝也。

黹音止。紝音秩。○此釋黹爲紝之義也。註曰。今人呼縫紝衣爲黹。疏曰。謂縫刺也。鄭註司服云。繡黻縫繡爲黹。謂刺

繡

遞迭也。矧况也。

此釋遞爲迭。矧爲况之義也。疏曰。遞者更迭。間矧相代之義。詩相如云。胡迭而微。說文云。矧况。繼也。

也。

從矢取辟如矢也。愚按矧，加進之辭。詩采采
云，况亂斯削，况，𡇗也。舊軍云，暨，况，義似未盡。

廩，廩也。辭先上聲。○此釋廩爲廩之義也。疏曰廣雅云，廩，倉也。廩，

辭蓋百囷倉之別名。孫炎云，廩，藏穀鮮潔也。舍人云，廩少

鮮

也。

遁，遁音換。○此釋換爲遁之義也。

疏曰，書太甲云，自作孽不可逭。

訊，訊也。

此釋訊爲言之義也。註曰，相問訊也。疏曰，訊問以言也。

間，倪也。

閒音諫。倪賢上聲。○此釋間爲倪之義也。註曰，間，左傳謂之謀。今之細作也。疏曰，桓十二年，使伯嘉謀之。杜註云，謀

何也。兵書謂之反間。

謂佯爲敵人，入伺其軍中，俟間隙以反報其主也。

汎，汎也。

汎音云，汎杭上聲。○此釋汎爲汎之義也。註曰，水流滂澑。疏曰，說文云，汎，轉流也。一云，汎漢，大水貌。愚按諸釋互異。

蓋水大則有

轉流者與。

干，扞也。

扞捍同。○此釋干爲扞之義也。註曰，相扞衛也。疏曰，詩兔

冒云，公侯于城，言公侯以武夫爲扞衛，如干盾防守城池。

釋言

趾足也。蹠刑也。

蹠音廢。此釋趾爲足蹠爲刑之義也。註曰：足蹠也。刑，斷足也。疏曰：易賁卦云：貞其趾。呂刑云：剕罰

五百孔安國云：刖足曰剕。

裏駕也。

此釋裏爲駕之義也。註曰：書堯典云：懷山襄陵疏曰：謂乘駕也。

忝辱也。

此釋忝爲辱之義也。疏曰：詩小宛云：無忝爾所生。

燠煖也。

此釋燠爲煖之義也。詩無衣云：安且燠兮。

塊壘也。

塙音逼。此釋塊爲逼之義也。疏曰：塊者，結土也。說文云：塊，俗肉字也。內一名匱。郭云：土肉也。

將齊也。

此釋將爲齊之義也。註曰：謂分齊也。詩楚茨云：或肆或將。疏曰：毛傳云：肆，陳將齊也。王肅云：分齊其肉所當用也。

餽餉也。

餽音乎。餉音旅。此釋餉爲餉之義也。註曰：饋也。疏曰：餉者，日饋。淳者曰：鬻。昭七年左傳云：饋于是，鬻于是。以餉余口。

致也。此釋改爲跪之義也。註曰：歛，小跪也。疏曰：詩

四牡云不遑改處。郭云：小跪說文云：長跪也。

喫密也。

開闢也。曉音眠。此釋喫爲密，開爲闢之義也。

袍襯也。

補音綉。此釋袍爲襯之義也。註曰：襄二十一年左傳云：重襯衣裳。疏曰：王藻云：襯爲襯，綉爲袍。鄭註云：於有著之

別名也。

續謂今之新織繩謂今之舊絮。

障吟也。

障也。此釋障爲吟之義也。疏曰：謂壅

障吟也。

障也。一名吟。左傳云：封吟土畧。

覩姑也。

覩天上聲。姑音郭。此釋覩爲姑之義也。註曰：苟姑然疏

覩姑也。

日說文云：覩，面見人也。姑，面覩也。詩何人斯云：有覩面目。

舒緩也。

此釋舒爲緩之義也。疏曰：詩野有死麇云：舒而脫脫兮。

翶翥也。

翶音翔。翥音尊。此釋翶爲翥爲翥之義也。註曰：今之羽葆幢舞者所以自蔽翳。疏曰：詩君子陽陽

云：左執翶毛。傳

云：翶也。翶也。

隍，塞也。

此釋隍爲塞之義也。註曰：城池空者爲隍。

篴，舉也。

筆音帽。舉音牽。○此釋筆爲舉之義也。註曰：舉謂拔取某

也。

疏曰：孫炎云：舉，擇菜也。註以舉是拔之義。史記：斬將舉旗。謂拔取也。詩關雎云：

左右芼之毛傳云：擇也。

典，經也。

此釋典爲經。爲則之義也。疏曰：周禮大宰掌建邦之六典。鄭註云：典，常也。經也。詩抑篇云：敬慎威

儀，維民

之則。

苛，姤也。

卦音契。芾音貝。○此釋苛芾之義也。註曰：煩苛者多嫉妬。芾然小貌。疏曰：詩甘棠云：蔽芾甘棠。又我行其野云：

蔽芾其樗。

迷惑也。

狃去聲。○此釋迷爲惑。狃爲復之義也。註曰：狃，伏復爲也。疏曰：狃，復習也。孫炎云：謂狃，伏前事，復爲

也。說文云：狃，狎也。伏習也。詩大叔于田云：狃叔無包。

毛傳云：狃，狎也。一讀作盤。還旋同。○此釋狃爲迫。盤爲逼。也。疏曰：逼，狃也。逼，狃也。愚按：狃，讀爲弭。如

逼，迫也。

盤音班。一讀作盤。還旋同。○此釋逼爲迫。盤爲逼。也。義也。疏曰：逼，相逼。狃，反也。愚按：狃，讀爲弭。如

趙充國班師罷兵之義故疏云反也或謂作盤盤旋與逼迫相對義自通也

班賦也

此釋班爲賦之義也註曰謂布與也疏曰桓六年左傳云使魯爲其班聘禮記云朋肉及庚車朋功音義同

濟渡也濟成也濟益也

此述釋濟爲渡爲成爲益之義也疏曰過

濟謂之濟左傳云濟河焚舟濟又爲成左傳云以欲從人則可以人從欲鮮

濟又爲益左傳云盍請濟師于王

緝綸也

緝音民○此釋緝爲綸之義也註曰詩何彼穠矣云維絲伊緝緝繩也江東謂之緝

辟歷也

聚盜也辟音辟聚音時盜音澆○此釋辟聚之義也註曰辟歷未詳澆者流出沫殊疏曰李巡云吐沫聚也

韋昭云聚龍所吐沫龍之精氣也愚按辟歷當作霹靂與聚盜皆水火精氣也

寬綽也

綽之義也

袞蔽也

此釋袞爲蔽之義也註曰袞衣有蔽文疏曰詩采蔽云玄袞及黼袞衣兼有黼蔽詩但言及黼此釋爲蔽也

皇華也

華花同○此釋皇爲華之義也註曰釋草云皇華榮疏曰草木之華一名皇樊光引詩云皇皇者華孫炎云皇皇猶

煌煌也。今註引墓華名。

昆後也。彌終也。

昆衰平聲。○此釋昆爲後彌爲終之義也。註曰。昆

元龜愚按昆兄也。又後也。故註云。謂先後也。蓋昆字從日從比字。書同也。並也。咸也。及先也。後也。諸釋皆生於此。此則釋禹謨昆命之屬之義。書傳云。蔽斷也。昆後也。謂先斷於志而後命於幽也。詩生民云。誕彌厥月。卷阿云。伸爾彌爾性。皆彌終之義。

釋訓第三

疏曰。釋詁云。訓道也。周禮地官土訓誦訓言以風土及所諭習訓道王也。此釋訓篇多釋詩文。故郭氏卽以詩義解之。愚按釋詁釋言及釋訓三篇皆釋古今字義。而卓篇於釋詁釋言。總發其義。而釋訓不及者。蓋此篇多釋數文及成句之義。

與前二篇小異與。

明明斤斤察也。條條秩秩智也。斤音僅。條音由。○此篇首釋幾文字。實之善者而釋之也。註曰。明明斤斤。皆聰明鑒察。條條秩秩。皆智思深長也。疏曰。詩常武云。赫赫明明。執競云。斤斤其明。愚按詩假樂云。德音秩秩條條未詳。

法肅肅敬也。

註曰。皆儀容敬謹也。疏曰。詩雖篇云。至止肅肅。又云。丸子穆穆。

諸諸便便辯也。

便平聲。○註曰。皆言辭便給也。疏曰。語云。便便言。

今字。

詩采菽云。平平左右毛。傳云。平平辯治也。便平古

肅肅翼翼恭也。

肅肅同。○註曰。肅肅翼翼皆恭敬。

靡靡優優和也。

靡靡優優皆和樂也。疏曰。詩思齊云。雖雖在宮。肅肅在廟。大明云。

小心翼翼長發云。

敷改優優。

兢兢惄惄戒也。

戰戰踴踴動也。○註曰。兢兢惄惄皆戒慎。

戰戰踴踴皆竦動趨疾也。疏曰。詩小旻云。戰戰兢兢。楚茨云。濟濟踴踴。愚按惄惄未詳。舊引抑篇子孫繩繩爲証。謂惄惄音義同也。考惄繩字書皆訓爲戒。義固可通。但以子孫繩繩訓爲戒恐非。

晏晏溫溫柔也。

註曰。皆和柔也。疏曰。詩氓篇云。言笑晏晏。抑篇云。溫溫恭人。

業業翫翫危也。

惄惄僕僕僕僕也。○註曰。業業。亲翫。翫。皆。危。惄惄。僕僕。僕僕。皆。戰。懼。也。疏曰。詩小旻。

云。兢兢業業。鴻鵠云。予室翹翹。
予維音。嘵嘵黃鳥云。惴惴其慄。

番番矯矯。勇也。桓桓烈烈威也。洸洸赳赳武也。
番音波。洸音光。赳音九。○註曰。番番

矯矯皆壯勇貌。桓桓烈烈皆嚴猛貌。洸洸赳赳皆果毅貌。疏曰。詩松高云。申伯番番泮水云。矯矯虎臣。桓篇云。桓桓武王。黍苗云。烈烈征師。江漢云。武夫洸洸。

洸兎目云。赳赳武夫。

峨峨濟濟止也。

濟上聲。○註曰。皆容止也。疏曰。詩卷阿

云。藹藹王多吉士。楚茨云。濟濟躋躋。

悠悠洋洋思也。

思去聲。○註曰。皆憂思也。疏曰。詩子衿云。悠悠我

義同。又中庸云。洋洋乎如在其上。

鄭玄云。洋洋人想念其傍倚之貌。

蹠蹠踏踏敏也。薨薨增增衆也。烝烝遂遂作也。

蹠音貴。踏音積。○

便撓之貌。薨薨。增增皆衆夥之貌。烝烝。遂遂。皆興作之貌。疏曰。詩蟋蟀云。良士蹠蹠楚茨云。執爨踏踏螽斯云。螽斯羽薨薨兮。闢宮云。烝徒增增泮水云。烝烝皇皇愚按。遂遂舊未詳。記云。閨陶遂遂。

委委佗佗美也。

註曰皆佳麗之貌也疏曰詩君子偕老云委委化

化李巡云皆容之美也孫炎云委委行之美佗佗

長之美也愚按委化詩傳謂寬廣自得之貌者得之

李巡說亦皆可通舊謂佗德平易也則於本詩子之不淑句不可通矣

低低惕惕愛也。

傳云惕惕悅其人也低低未詳疏曰李巡云低低

和通之愛也愚按低低字書云悶也

蓋低低惕惕皆愛而未得憂悶之意

偁偁格格舉也

舉物蔡蔡肇載也傳古稱字○註曰偁偁格格皆手

詩桃夭云其葉蓁蓁碩人云庶姜孽孽愚按書湯誓云稱爾干是

舉也格以皮闔物亦舉之意與蓁蓁孽孽皆頭戴物也疏曰

暉暉媯媯安也。

愚音淹媯提同○註曰皆安詳也疏曰詩小戎云

暉暉良人毛傳云安靜也葛履云好人提提媯提

音義同毛傳云謂步安舒而審諦也

和和遲遲徐也。

註曰皆舒徐也疏曰詩七月云春日遲遲宋繁祁祁

不不簡簡大也。

註曰皆多大也疏曰書立政云以並受此不不基詳執競云降福簡簡

存存萌萌在也

疏曰謂存在也易繫辭云成性存存萌字書作萌說文作萌愚按萌註未詳蓋亦存諸心之意也

懋懋模模勉也

疏曰懋茂同懋慕同惄音惄○註曰懋懋模模皆勉強庸庸惄惄皆劬勞

也疏曰書云懋哉詩月出云勞心惄兮

赫赫躍躍迅也

赫音釋躍音笛○註曰赫赫躍躍皆迅疾也

曰詩常武云赫赫業業巧言云躍躍矣

兔角弓云綽綽有裕兔爰云有兔爰爰

坎坎導導喜也

導音存○註曰皆歡喜也疏曰詩伐木云坎坎鼓我蹲蹲舞我導導音義同

瞿瞿休休儉也

瞿音句○註曰皆節儉也疏曰詩蟋蟀云良士瞿瞿良士休休

旭旭蹠蹠惰也

蹠極虐反惰音蹠○此以下八條皆類舉性質之敗與時勢之殆者而釋之也註曰皆惰蹇也疏曰詩板篇云小子蹠蹠毛傳云驕貌愚按字書云旭音勗旭

旭蹇蹇貌舊讀旭旭爲好好而引詩驕人好好爲証似曲

薨薨訖訖亂也薨音蒙訖音諱○註曰皆闇亂也疏曰詩抑篇云祝爾薨薨愚故訖訖亂言貌

遠也。遼遼闊也。僂僂洄洄惛也。

燥音霍僂音萌洞本作潤音革○

皆迷惛也。疏曰詩抑篇云聽我遼遼。

○

版版盪盪僻也。註曰皆邪僻也。疏曰詩板篇云上帝板板毛傳云板板反也謂君爲政反先王之道也。蕩篇云蕩蕩上帝鄭箋云蕩蕩法度廢弛之貌。版板盪蕩音義並同。

燁燁炎炎薰也。

燁音同○註曰皆旱熱薰炙人也。疏曰詩雲漢云蘿蔭蟲蟲又云赫赫炎炎燁燁音義同。

居居究究惡也。

註曰皆相憎惡也。疏曰居居不狎習也。孫炎云究究窮極人也。詩羔裘云自我人居居自我人究究

毛傳云居居懷惡不相親比之貌。

仇仇敖敖傲也。款去聲○註曰皆傲慢賢者也。疏曰詩正月云執我仇仇亦不我力。毛傳云仇仇猶訾訾也。言其有貪賢之名無用賢之實。板篇云我卽爾謀聽我訾訾毛傳云猶訾也。

玼玼瑣瑣小也。

玼音此○註曰皆才器細陋也。疏曰詩正月云玼玼彼玼彼有屋節南山云噴噴因亞。

悄悄慘慘。惄也。瘡瘍瘍病也。殷殷憚憚。忉忉博博。欽欽京京。惄

忡惄惄。惄惄奕奕憂也。

慄音慄。慄音瘡。首管疾音與。惄音究。忉音刀。博

感時憂世之意而釋之也。註曰。悄悄慘慘。皆賢人愁恨也。瘡瘍瘍

病。皆賢人懷憂病。殷殷以下。皆作歌以諒心憂也。疏曰。詩柏舟云。

憂心悄悄。抑篇云。我心慘慘。

杜云。四牡瘡瘍。正月云。憂心愈愈。又云。憂心殷殷。憂心惄惄。羔裘云。勞心忉忉。素冠云。勞心博博。分

晨風云。憂心欽欽。正月云。憂心京京。

草蟲云。憂心忡忡。又云。憂心惄惄。又云。憂心奕奕。

仲又云。憂心惄惄。煩并云。憂心惄惄。又云。憂心奕奕。

此下七條。皆類舉力農奉

畎田也。叟叟耜也。

耜音云。叟音測。○此下七條。皆類舉力農奉

畎田也。叟叟耜也。

言嚴利也。疏曰。詩信南山云。

畎畎原熙良耜云。叟叟良耜。

郝詩作澤。音釋。○註曰。郝荆言土解。釋言種調也。疏曰。詩載芟云。其耕澤澤。郝澤音義同。又云。驛驛其達。毛傳云。達射也。鄭箋云。達出

地也。言種調匀。皆出地而生也。驛釋音義同。

穟穟苗也。緜緜穠也。

穟音遂。穠音標。○註曰。穟穟。言禾茂。緜緜。言

穗精也。疏曰。詩生民云。禾役穟穟。毛傳云。役

列也。載芟云。絲絲
其庶。撫庶音義同。

挾挾。穀也。栗栗。衆也。

挾音窒。○疏曰。詩良耜云。穀之挾挾積之。

漘漘。澌也。焞焞。烝也。

澌音騷。○疏曰。詩生民云。彈之叟叟。烝之浮。

烝以爲酒食也。烝
叟。焞。浮。音義並同。

俅俅。服也。峨峨。祭也。

俅音求。○疏曰。詩絲衣云。戴弁俅俅。謂戴爵

而助。弁服而助祭也。械。撲云。奉璋峩峩。謂執圭璋

錚錚。樂也。穢穢。福也。

錚音皇。又音橫。穢音據。○疏曰。詩執競云。鐘
鼓喤喤。又云。降福穰穰。鄭箋云。言樂音諧和。
而神福衆多也。喤喤音義同。

子子孫孫。引無極也。願願。卬。君之德也。

願音容。卬音昂。○此下各條類舉上之福德與
其臣民之歸服而釋之也。疏曰。詩楚茨云。子子孫孫勿替。引
之卷阿云。願願。卬。如圭如璋。鄭箋云。願願。溫貌。卬。盛貌。

丁丁嚶嚶相切直也。謳謳萋萋。臣盡力也。囁囁喈喈。民協服也。

丁

爭。盡上聲。囁音雜喈音皆。○註曰。丁丁嚶嚶。喻朋友切磋相正也。謳謳萋萋。地極化臣竭忠也。囁囁喈喈。鳳凰應德鳴相和百姓懷

附。民樂歎也。疏曰。詩伐木云。伐木丁丁。鳥鳴嚶嚶。卷阿云。謳謳

王多吉士。又云。華華萋萋。鰌鰌喈喈。毛傳云。梧桐盛鳳凰鳴也。

佻佻契契。愈返急也。宴宴粲粲。尼居息也。

尼音暱。○此下各條亦

類舉感時憂世之意而釋之也。註曰。言賦役不均。賢人憂歎遠益急切。而近處優閒也。疏曰。遐遠也。詩大東云。佻佻公子。行彼周行。鄭箋云。言東方貴公子雖困乏猶不能止也。又云。契契寤歎。哀我惄人。言譚大夫憂歎。哀民人之勞苦也。又云。東人之子。職勞不來。西人之子。粲粲衣服。言勞苦而不見慰勞。惟京師人逸豫也。

詩北山云。或燕燕居息。或蓋瘁事國。

哀哀悽悽。懷報德也。

註曰。悲苦征役。思所生也。疏曰。詩蓼莪云。哀

云。春日遲遲。卉木萋

薹。以征役而思家也。

翛翛嗟嗟。罹禍毒也。

翛音笛。嗟音惠。○註曰。悼王道穢塞蟲吟自得而已。遭讒也。疏曰。詩小弁云。跋跋周道。惄

爲茂草。又云莞彼
郁斯鳴蜩嗟鳴

晏晏旦日悔喪忒也。

註曰傷見棄絕也。疏曰喪差也。詩氓篇云

笄晏然之時汝與我言笑信誓旦旦鄭箋云言未

雅諸篇中自爲一體此等文疑先

賢卜氏受詩於聖人而因爲之也

抑抑密也秩秩清也

此條亦舉德性之善者而釋之也。註曰威儀審謫德音清冷也疏曰詩假樂云威儀抑抑

德音

秩秩

粵斧掣曳也

粵聘平聲。斧音丰。掣痴去聲。○此下三十條雜釋成語及雜字之義而此釋粵斧之義也。註曰謂牽挽也。

疏曰詩小毖云莫予荓蜂自求辛螫毛傳云荓蜂掣曳也謂挽離正道使就邪僻也。粵斧蜂首義並同。

朔北方也

此釋朔之義也。註曰朔謂幽朔疏曰詩出車云城彼朔方書堯典云宅朔方。

不俟不來也不適不蹟也不徹不道也
也適猶也徹也詩鴻彼云
念彼不蹟十月云天命不徹

勿念勿忘也爰諺忘也此釋勿念之屬之義也。註曰勿念念也疏曰詩文王云無念爾祖伯兮云焉得諺草或作爰

考槃云永矣勿諺諺草或作爰草食之令人忘憂爰諺音義同

每有雖也。此釋每有之義也。註曰：詩常棣云：每有良朋，况

也。永歎鄭箋云：每有雖也，雖良朋，徒長歎而已。

饋酒食也。舞號雩也。

吉蠲爲饋，是用孝享。毛傳云：饋，酒食也。此釋饋與舞號之義也。註

曰：雩之祭，舞者呼嗟而求雨。疏曰：詩天休云：

兩名月令云：仲夏大雩。帝鄭註云：吁嗟求雨之祭也。

暨不及也。蠢不遜也。

暨音忌。此釋暨蠢之義也。註曰：公羊傳云：及者我欲之，賢者不得已也。是不及也。蠢者

蠢動爲惡。是爲不遜。疏曰：暨見隱。

元年公羊傳詩采芑云：蠢爾刺蝟。

如切如磋，道學也。如琢如磨，自修也。瑟兮僕兮，恂慄也。赫兮咺兮，

威儀也。有斐君子，終不可諛兮。道盛德至善，民之不能忘也。

恒宣同。此釋切磋琢磨之屬之義也。疏曰：皆衛

風淇澳篇文君子謂衛武公也。詳見朱子集註。

既微且彊，筋痏爲微腫，足爲彊。痏音腫，痏音幹，痏音羊。此釋微彊之義也。註曰：彊，脚脰也。痏，創也。

既微且彊。
詩巧言文。

是刈是濩。濩者之也。

濩音箋。此釋刈濩之義也。註曰：蓋葛爲絲絡也。疏曰：是刈是濩詩葛覃文。

履帝武敏。武迹也。敏拇也。

拇音某。此釋武敏之義也。註曰：拇足大指也。疏曰：履帝武敏詩生民文。愚按

拇爲敏。蓋誤文。

或曰：古文通。

張仲孝友。善父母爲孝。善兄弟爲友。

此釋孝友之義也。註曰：張仲宣王時人。疏曰：張仲孝友詩

六月

文。

有客宿宿。言再宿也有客信信。言四宿也。

此釋宿信之義也。註曰：一宿爲宿。再宿爲信。重

言之故知再宿四宿。

有客二句詩有客文。

美女爲媛。士爲彥。

媛音院。此釋媛彥之義也。疏曰：詩君子偕老云：展如之人兮。邦之媛也。羔裘云：彼其之子。邦

之彥。

其虛其徐。威儀容止也。

此釋虛徐之義也。註曰：雍容都雅之貌。疏曰：詩北風云：其虛其邪。既亟只且。邪徐音

義同愚按詩傳虛寬貌言避亂尚可以寬徐乎其亟已甚而不可不速也

猗嗟名兮目上爲名

此釋名之義也。託曰名目眼聞也。疏曰猗嗟名兮詩猗嗟文愚按詩傳名外言威儀集教藝

之可名也。

視此爲異

式微式微者微平微者也

此釋式微之義也。託曰言至微也。疏曰式微式微詩鄭風式微文

之子者是子也

此釋之子之義也。疏曰詩言之子者多矣故此釋之

徒御不驚輦者也

疏曰徒御不驚詩車攻文云輦者解上徒字諸徒皆爲徒行此獨爲輦也地官鄉師云大軍旅

會同治其輦註云輦人輶行也司馬法輦有一斧一斤一鑿一櫓周輦加二板三築夏二十人而輦殷十八人而輦

禮裼肉袒也暴虎徒搏也馮河徒涉也

此釋禮祖及暴虎馮河之義也。託曰肉袒見體也徒

搏空手也徒涉無舟也疏曰詩大叔于田云叔

在斂禮祖暴虎小旻云不敢暴虎不敢馮河

邇條口柔也戚施面柔也夸毗體柔也

蓬音渠條音除夸音謗○此釋邇條之屬之義也。託

曰遜篤之疾不能俛口柔者常仰視人顏色戚施之疾不能仰面柔者常俯下其面故因名也夸毗者屈已以柔順人疏曰詩新臺云燕婉之求遜降不珍又云燕婉之求得此戚施板篇云無爲夸毗

婆娑舞也。拊心也。矜憐撫掩之也。

拊音闊。拊音撫。○此釋婆娑之屬之義也。註曰：舞謂舞容也。拊心，椎胸也。撫掩猶撫拍，謂慰卹也。詩東門之枌云：婆娑其下。柏舟云：窶摵有摽鴻雁云：爰及矜人。

緘，羔裘之縫也。

緘音域。○此釋緘之義也。疏曰：詩羔裘云：素絲五緘。孫炎云：緘界域，卽縫合皮之域也。

殿屎呻也。

吟聲也。疏曰：詩板篇云：民之方殿屎。毛傳云：呻吟也。

幬，謂之帳。

幬音紩。○註曰：今江東亦謂帳爲幬。疏曰：帳一名幬。

併張，誑也。

併音舟。○此釋併張之義也。註曰：書無逆云。

誰昔，昔也。

此釋誰昔之義也。註曰：誰發語詞。疏曰：詩墓門云：誰昔然矣。毛傳云：昔久也。愚按：誰昔猶言疇昔。

不辰，不時也。

此釋不辰之義也。註曰：辰亦時也。疏曰：詩桑柔云：我生不辰。逢天憲怒。

凡曲者謂畱。畱音櫛。○此釋畱之義也。註曰毛傳云畱曲梁也。
凡以薄爲魚笱者名爲畱。詩魚麗云魚麗于罶。
鬼之爲言歸也。此釋鬼之義也。註曰尸子云古者謂死人爲歸人。